

百代医宗

刻太醫院頒行內外諸科方論百代醫宗目錄

甲集卷之一

原病賦

諸証綱目論

亢則害承乃制論

古菴論

真中風河南山東風土之氣論

類中風証論

類中風江西浙江楚地南直四處地方總論

火証方論

飲食勞倦論

辯筋骨四肢論

氣少氣短論

失聲啞聲不同論

酒病論 聲音論

手背手心辯熱論

氣升論

隨証治血藥論

隨証治火藥論

木腎論

腎癢論

內外因脈歌

不內不外因脈歌

血榮氣衛論

火濕分治論

治病必求其本論

受胎論

婦人病原論

經病論

崩漏論

赤白帶下論

胎前論

胎前諸症論

產後三証論

硬乳論

藥性賦

乙集卷之二

診脈切要

左右手寸關尺三部診法

上下來去至六脈解

七種怪病歌

驗止斷死歌

五臟六腑人迎氣口分別論

四字脈訣

浮沉遲數診脈切要訣

十二支年分運氣

五運時行民病証治方畧

六氣時行民病証治方畧

五運主病切要

六氣為病切要

按四季順時節宣論

十二經見証切要

十二經絡臟腑病情藥性切身要錄

天干臟腑所屬定位

地支臟腑所屬流注

藥方名條治病捷應賦

瘡門捷徑用藥法

六經用藥確法

用藥根身稍三法

五味用法

五入五走

五多五傷

煑煉鹿角霜膠法

辯用硝黃巴豆誤人論

治十腫水氣病根主藥

丙集卷之三

風論

該傳大附子性

寒論

瘟疫論

附中寒論

暑論

附注夏論

濕論

燥論

火論

六鬱論

痰論

咳嗽論

哮論

喘論

丁集卷之四

癰論

痢疾論

嘔吐論

泄瀉論

霍亂論

水腫論

陰腫論

脹滿論

積聚論

癥瘕論

虛損論

癆瘵論

怔忡論

顛狂論

諸癇論

血論

五痺麻木論

秘結論

黃疸論

戊集卷之五

剛柔二症論 翻胃膈噎論

頭痛論

腹痛論

腰痛論

腸痛論

胸氣論

痛風論

痿論

盜汗自汗論

厥論

三消論

內傷論

吞酸吐酸論

新增木腎論

便濁遺精論

新增漏濁論

已集卷之六

淋閉附遺尿小便不禁論

欬逆論

嘈雜論

痞滿論

邪崇論

眩暈論

惡心論

惡寒論

發熱論

諸氣論

丹溪活套云

傷食論附傷酒方

關格論

結核論

梅核論

癘風論

跌撲傷損論附金瘡湯火等瘡

破傷風論

心痛胃脘痛論

注夏論

胃風論

脫肛論

腸風疝毒論

痼冷論

與集卷之七

耳論

鼻論

口舌唇三論

丹溪活套

牙齒論

面論

咽喉論

目疾証候

眼科所用藥性

目論

各臟所屬宜用某方并附詩訣

鍼灸類

服藥合藥煎藥訣

用蜜煉蜜法

點眼藥訣

辛集卷之八

婦人科總論

疝瘕論

血風肢體骨節痛疼論

疝瘕論

血膈論

經脈論

崩漏論

赤白帶下論

胎前論

期嗣論

轉胞論

產育論

生產分症七產論

產後論

附血分水分論

產後腫法病機要畧

謹按伯岐論

乳汁不通論

附婦人陰瘡交接出血陰挺陰癢陰蟲等症論

小產論

附產後一十九症問答奇方出自葛奎亭秘書

頸項強痛論

流注論
赤白遊風論

壬集卷之九

小兒脈法總歌
小兒科論

五癩論
諸疔論

黃疸論方
遺尿尿濁二論

語遲牙遲行遲總論

膿耳論
癰疾論

附小兒五疔病源效方

附錢仲陽小兒諸疔論

諸蟲論
蠱毒論

鼻病論
大小便閉論

桃生論
吐瀉論

腹脹論
疝疝論

解顛論
脫囊論

脫肛論
疔疔論

美舌論
龜背論

癸集卷之十

痘疹論
疹論

外錄痘疹方論于后

附陳氏痘瘡症方論

癩疽瘡瘍論
乳硬乳癰論

痔漏論
癰論

疔瘡論
楊梅瘡論

背發腦發鬚發髭發四總論

疥癬論

臙瘡論

鎖喉瘡論

發乳瘡論

赤瘡瘡論

纏腸瘡論

骨槽風瘡論

五疔論

火赤瘡論

魚脊瘡論

喉閉瘡論

火殞瘡論

鴉踏瘡論

紅絲瘡論

陰觸瘡論

漏睛瘡論

新刊大醫院頒行內外諸科百代醫宗十卷目錄終

醫宗十卷目錄終

嗣字錄

左右寸關尺三部診法

十二經絡臟腑病情藥性切身要

上下來去至止六脉解

五氣切要藥性風熱濕燥寒類

七種恠病歌

天干臟腑所屬定位

驗止斷死歌

地支臟腑所屬流注

五臟六腑人迎氣口分別論

藥方名條治病捷應賦

十二支羊分運氣

四字脉

浮沉遲數切要歌

瘡科捷徑用藥法

五運時行民病証治方畧

六經用藥確法

五運主病切要

用藥根身稍三法

六氣為病切要

苦辛酸鹹甘五味用法

五入五臟類

按四季順時節宣論

氣血骨筋肉五走用類

十二經見証切要

臨字統

式法十開久三時念志

上下來去至五六種種

少對理源源

雙山湖湖

正翻六洲八以厚口介限信

十二支羊介委庫

十二雙發對開南計藥封以長夏

正其以長藥封以長夏

天子翻湖湖

與支翻湖湖

藥火音新在麻野

四手

或

水

正

診脉切要

夫診脉之法先要定得三部明白何謂三部是人之两手俱有寸關尺也
又要知得脉之息數分別浮沉滑澁遲數此六者之大畧也及諸脉陰
陽偏勝太過不及虛實邪正主病之原五行四時生尅之理診脉之際
一靜其心存其神也二忘外意無思慮也三均呼吸定其氣也四輕指
於皮膚之間探其腑脉浮也五微重指於肌肉之間取其胃氣中也六
重指按於骨上探其臟脉沉也七察病人脉自數來至此七診之法了
然明白所以先以中指揣摩掌後小高骨就是關脉然後下前後二指
關前至魚際得周身之一寸故名爲寸口爲陽關後至尺澤穴得周身
之一尺故名爲尺部爲陰又寸脉六分關脉六分其上三分入於寸內
是陽得寸內九分陽數九也尺內七分關下三分入于尺內是陰得尺
內一寸陰數十也終始只是一寸九分其間又有反關脉者在三部之
後或在臂側若過寸口上至魚際者名曰魚際脉又有左大右小者有

左小右大者有貴人两手三部清微如無脉者有兩手俱洪大者須用
心診視先須調平自己氣息初輕按消息之次按消息之再重按消息
之推而上消息之上卽關之前也推而下消息之下卽關之後也推而
內消息之內卽臟之脉也推而外消息之外卽腑之脉也然後自寸關
尺逐部尋究一呼一吸之間要以脉行四至爲率間以五至是爲平脉
也其有太過不及皆爲病脉着病從何臟何腑而來按法分治所謂五
臟六腑夫五臟者心肝脾肺腎也六腑者膽胃小腸大腸膀胱三焦也
左手關前一分爲人迎右手關前一分爲氣口左手寸口心與小腸之
脉所出君火也左手關部肝與膽之脉所出風木也左手尺部腎與膀
胱之脉所出寒水也右手寸口肺與大腸之脉所出燥金也右手關部
脾與胃之脉所出濕土也右手尺部命門與三焦之脉所出相火也蓋
五臟者藏精氣而不瀉滿而不能實六腑者傳化物而不藏實而不能
滿故脉始於中焦飲食入口藏胃精微之化庄於手太陰肺手陽明

腸足陽明胃足太陰脾手少陰心手太陽小腸足太陽膀胱足少陰腎
手厥陰心主手少陽三焦足少陽膽足厥陰肝復還注手太陰肺
灌溉朝於寸口人迎以處百病而決生死也然以對待之位言之左手
火尅右手金左關木尅右關土左尺水尅右尺火左剛右柔有夫頰之
別也然左手屬陽右手屬陰左寸君火以尊而在上右尺相火以卑而
在下有君臣之道也以循環之序而言右寸金金又生左尺水水又生
左關木木又生左寸火火復通右尺相火火又生右關土土又生右寸
金而金復生水此五行更相生養循環無端有子母之親也蓋子能令
母實母能令子虛是也所以虛則補其母實則瀉其子如水生木是木
為母木為子木復生火是木受竊氣故水怒而尅火故子逢竊氣母乃
力爭火又生土是火為母土為子土見火被水尅故土怒而尅水所謂
母被鬼傷子來力救此五行生尅無所不至矣何謂四時之脈謂春弦
夏鈎又曰夏洪理一也秋毛冬石然春脈弦者謂正月寅二月卯木旺

春日脉浮如魚遊在波雖出猶未全浮故其脉來弦而長以應東方肝木之氣也夏脉鈞而洪者謂四月巳五月午火上炎夏日在膚陽氣大盛故其脉來而有力且兼浮大以應南方心火之氣也秋脉毛者謂七月申八月酉金旺而金性輕浮秋日下膚隨陽氣漸降將欲藏伏故其脉來浮濇而短以應西方肺金之氣冬脉石者謂十月亥十一月子水旺而水性下流冬日在膚陽氣伏藏陰氣太甚故其脉來沉濡軟滑以應北方腎水之氣也其辰未戌丑四季月脉當遲緩謂土性厚重所以脉來和緩而大以應中央脾土之氣也雖有弦鈞毛石之分然春三月六部之中俱要帶弦夏三月俱要帶洪秋三月俱要帶浮冬三月俱要帶沉六部中按之和緩爲有胃氣此無病之脉也若但見弦鈞毛石而無和緩此獨真臟之脉人不病而死也所謂脉乃氣血之先氣血盛則脉盛氣血衰則脉衰氣血熱則脉數氣血寒則脉遲氣血壯則脉大氣血微則脉小氣血和則脉平此言脉之大畧不可不知又以脉之十二

經細分辯別脉之有浮沉診之有輕重左寸先以輕手得之是心屬裏心在肺下主血脉心脉循血
表後以重手如六菽之重得之是心屬裏心在肺下主血脉心脉循血
脉而行按至血脉而得者為浮稍加力脉道粗大為大又稍加力脉道
濶遠浮大不病之脉也若出於血脉之上見於皮膚之間是其浮也入
於血脉之下見於筋骨之分是其沉也左關先以輕手得之是胆屬表
後以重手如十二菽之重得之是肝屬裏肝在脾下主筋肝脉循筋而
行按至筋平脉道如箏弦為弦脉道迢迢為長此弦長不病之脉也若
出於筋上見於皮膚血脉之間是其浮也入於筋下見於骨上是其沉
也左尺先以輕手得之是膀胱屬表後以重手取之如十五菽之重得
之是腎屬裏腎在肝下主骨腎脉循骨而行按至骨上得之為沉又重
手按之脉道無力者為濡舉指來疾流利為滑此乃沉濡而滑不病之
脉也若出於骨上見於皮膚血脉筋肉之間是其浮也入而至骨是其
沉也右寸先以輕手得之是大腸屬表後以重手取之如三菽之重得

之是肺屬裏肺居髀上主皮毛肺脈循皮毛而行按至皮毛而得者爲浮稍加力脈道不利爲濇又稍加力脈道縮入關中上半指不動下半指微動者爲短此浮濇而短不病之脈也若出於皮毛之上見於皮膚之表是其浮也入於血脈肌肉之分是其沉也右關先以輕手得之是胃屬表後以重手取之如九菽之重得之是脾屬裏脾在心下主肌肉脾脈循肌肉而行按至肌肉脈道如微風輕颺柳稍者爲緩此爲緩大不病之脈也若出於肌肉之上見於皮毛之間者是其浮也入於肌肉之下見於筋骨之分者是其沉也右尺先以輕手得之是三焦屬表後以重手得之是命門屬裏爲相火氣與腎通也又有三部九候之訣三部者寸關尺也九候者浮中沉也凡三部每部各有浮中沉三候三而三之爲九也浮主皮膚候表及腑也寸主肌肉以候胃氣沉主筋骨候裏及心也寸爲陽爲上部法天爲心肺以應上焦主心胸以上至頭之有

關爲陰陽之中爲中部法人爲肝脾以應之中焦主以下

至臍之有疾也尺為陰為下部法地為腎命以應下焦主臍以下至足
之有疾也此三部診候之法在是矣然人脈之息數出氣為呼入氣為
吸為之一息一息之間脈來四至或五至者為平和不大不小和緩舒
暢此無病之脈也至於三遲二敗冷而危也六數七極熱生多也八脫
九死極於十一二至與夫奄奄兩息一至則又散而為變矣如六數七
極熱也脈中有力為有神矣當洩其熱三遲二敗寒也脈中有力為有
神矣當去其寒若脈無神而無胃氣豈可輕洩而輕去哉反生變症嘗
謂脈有七表八裏九道共二十四種是也七表者屬陽浮芤滑實弦緊
洪是也何謂屬陽七表之脈多主熱病故屬陽也歌曰浮脈不足舉有
餘芤脈中空兩畔居滑脈如珠中有力實脈偪偪與長如弦如始按弓
弦狀緊若牽繩轉索初洪舉按之皆極大名為七表不同途其見於病
曰浮為中風芤失血滑吐實下分明別弦為拘急緊為疼洪大從來
主熱入裏者屬陰微沉緩瀼遲伏濡弱是也何謂屬陰八裏之脈多主

寒病故屬陰也歌曰微來如有又如無沉舉都無按有餘遲緩息間三
度至濡來散止細仍虛伏須切骨沉相類弱脉沉微指下圖瀆脉如刀
輕刮竹分明八裏坦然途其見於病曰遲寒緩衰微爲虛瀆因血少沉
氣滯伏爲積聚濡不足弱則筋痿少精氣九道者屬陰屬陽何謂道蓋
一陰一陽之謂道何謂九長短虛促結代牢動細是也歌曰長脉流
通三部短脉本部不及位虛脉遲大無力軟促脉來數急促速結脉
止而遲緩代脉不還真可惡牢脉如弦沉更實動脉鼓動無定處細
雖有却似線九道之形當自悟其見於病曰長爲陽毒二焦熱短氣
鬱未得越促陽氣痛時兼滯熱生驚虛爲血少代主氣耗細亦耗氣
氣滿疼相湊結主痛悶積氣加動是虛勞崩痢兆外有數脉數脉音
脉也指下尋之來速去速呼吸定息六至曰數歌曰數而有力必
狂言驚悸無時歇數而無力臟腑濕滯瘡痍痛瘳真口訣其見於病曰
息六至去來速五臟熾熱疾病篤嘔吐煩渴心不寧瀉入安

外有大脉大脉者陽脉也指下尋之比極脈不足比數脈有餘洪大
盈曰大歌曰大脉似洪盛於洪專主病進火冲冲良醫診得此脉
和五臟爲上工然脉有二十四種陰陽相兼夫診寸關尺三部隨心
手詳其病源用藥調理未有不効者也大抵元氣之來力和而緩邪
之至力強而峻尺脉上不至關爲陰絕也寸脉下不至關爲陽絕也陰
陽相絕人何以依脉之大畧如斯而已願學醫者留心於此

兩手左右寸關尺三部診法

左手寸部先以輕手得之是小腸腑脉屬表後以重手如六菽之重得之
是心臟脉屬裏心在肺下屬血脉心脉循血脉而行按至血脉而得者
爲浮稍加力脉道粗大爲大又稍加力脉道潤軟此乃浮大而平不病
之脉也是謂一息四至爲平和五至無疴瘕矣其脉若出於血脉之上
見於皮膚之間是其浮也入於血脉之下見於筋骨之分是其沉也
左手關部先以輕手得之是膽腑脉屬表後以重手以十二菽之重得之

是肝臟居裏肝在脾下主筋肝脈循筋而行按至筋平脈道如箏弦者為弦脈道迢迢焉此弦長不病之脈也是謂一息四至為平和五至無病瘕矣其脈若出於筋上見於皮膚血脈之間是其浮也入於筋下見於骨上是其沉也

左手尺部先以輕手得之是膀胱腑脈屬表後以重手取之度如十五菽重而得之是腎臟脈屬裏腎在肝下主骨腎脈循骨而行按至骨上得之為沉又重手按之脈道無力者為濡舉指來疾流利者為滑此乃沉瀦而滑不病之脈也是謂一息四至為平和五至無病瘕矣其脈若出於骨上見於皮膚血脈之間是其浮也入而至骨是其沉也

右手寸部先以輕手得之是大腸腑脈屬表後以重手取之如三菽之重得之是肺臟脈屬裏肺居最上主皮毛肺脈循皮毛而行按至皮毛而得者為浮稍加力脈道不利為瀦又稍加力脈道縮入關中上半指不動下半指微動者為短此浮瀦而短不病之脈也是謂一息四至為

和五至無疴瘥矣其脉若出於皮毛之上見於皮膚之表是其浮也入於血脉肌肉之間是其沉也

右手關部先以輕手得之是胃腑脉屬表後以重手取之如九菽之重得之是脾臟屬裏脾在心下主肌肉脾脉循肌肉而行按至肌肉脉道如微風輕颺者爲緩又稍加力脉道敦實者爲大此爲緩大不病之脉也是謂一息四至爲平和五至無疴瘥矣其脉若出於肌肉之上見於皮毛之間者是其浮也入於肌肉之下見於筋骨之分者是其沉也

石手尺部先以輕手得之是三焦腑脉屬表後以重手得之是命門屬裏爲相火氣與腎通也其脉與前左尺同斷浮沉但相火寄之在此不可不察耳

上下來去至止六脉解

夫脉有上下來去至止六字須當辯明方知陰陽虛實所謂止者來者至者爲陽下者去者止者爲陰上者自尺部上於寸口陽生於陰也下者

自寸口下於尺部陰生於陽也來者自骨肉之分出於皮膚之際氣之升也去者自皮膚之際還於骨肉之分氣之降也應曰至息曰止是也

七種恠病歌

雀啄連來三五啄屋漏半日一點落魚翔似有亦似無蝦遊靜中跳一躍
彈石硬來尋卽散搭指散亂爲解索釜沸如波指下來恠脉一見休用藥

驗止斷死歌

五十一止身無病數內有止皆知定四十一止一臟絕却後四年壽命三
十一止卽三年二十一止二年應十五一止卽半年其餘有止看暴病

五臟六腑人迎氣口分別論

五臟者心肝脾肺腎也六腑者膽胃大腸小腸膀胱三焦也左手關前一
分爲人迎右手關前一分爲氣口左手寸口心與小腸之脉所出君火
也左手關部肝與膽之脉所出風木也左手尺部腎與膀胱之脉所出

寒水也右手寸口肺與大腸之脉所出燥金也右手關部脾與胃之脉所出濕土也右手尺部命門與三焦之脉所出相火也蓋五臟者藏氣而不瀉滿而不能實六腑者傳化而不藏實而不能滿故脉始於中焦飲食入口藏胃精微之化注於手太陰肺手陽明大腸足陽明胃足太陰脾手少陰心手太陽小腸足太陽膀胱足少陰腎手厥陰心包絡手少陽三焦足少陽膽足厥陰肝復還注於手太陰肺經也循經始終無間而養其血脉以求壽基也

四字脉訣

人之一身本乎榮衛榮者陰血衛者陽氣榮行脉中衛行脉外脉不自行隨氣而至氣動脉應陰陽之義氣如橐龔血如波瀾血脉氣息上下循環十二經動脉肺為大會十二經中皆有動脉手太陰經可得而息此經屬肺上系吭嗑脉之大會息之出入初持脉時令仰其掌掌後高骨謂之關上關前為陽關後為陰陽寸陰尺先後推尋寸關與尺兩手各有揣得高

骨上下左右男女脉同惟尺則異陽弱陰盛反此病至調停自氣呼吸
定息四至五至平和之則三至爲遲遲則爲冷六至爲數數卽熱証轉
遲轉冷轉數轉熱在人消息在人差別遲數旣得卽辯浮沉浮表沉裏
深淺酌斟浮數表熱沉數裏熱浮遲表寒沉遲冷結察其六部的在何
處一部兩經一臟一腑左寸屬心合於小腸關爲肝膽尺腎膀胱右寸
主肺大腸同條關則脾胃尺命三焦不特臟腑身亦主之上下中央三
部分齊寸候胸上關候膈下尺候於臍直至跟踝左脉候左右脉候右
病隨所在不病者否浮沉遲數有內外因外因於天內因於人天則陰
陽風雨晦明人喜怒憂思悲恐驚外因之浮則爲表証沉裏遲寒數則
熱盛內因浮脉虛風所爲沉氣遲冷數燥何疑表裏寒熱風氣熱燥辯
內外因脉証參考浮沉之脉辯別了然浮爲心肺沉屬腎肝脾者中州
浮沉之間肺重三菽皮毛相得六菽爲心得之血衄脾九菽重得於肌
肉肝與筋平重十二菽惟有腎脉獨沉之極按之至骨舉指來疾脉理

繫總括於四七難八難專衍其義折而言之七表八裏又有九道
七乃備浮而無力是名芤脉有力為洪形狀可識沉而有力其脉為實
無力微弱伏則沉極脉遲有力滑而流利無力緩濇慢同一例數而有
力脉名為緊小緊為弦疑似宜審合則為四離為七八天機之秘神授
之訣舉之有餘按之不足泛泛浮浮如水漂木芤脉何似絕如捻葱指
下成窟有邊無中滑脉如珠往來轉旋舉按皆盛實脉則然弦如張弦
緊如細線洪較之浮大而力健隱隱約約微渺難尋舉無按有便指為
沉似遲不遲是謂之緩如雨沾沙濇難而短遲則極緩伏按至骨濡則
軟軟弱則忽忽既知七表又知八裏九道之形不可不記諸家九道互
有去取不可相無不可相有過於本位相引曰長短則不及來去乖張
形大力薄其虛可知促結俱至促數結遲代止不然止難回之三脉皆
止當審毫釐牢比弦緊轉堅轉勁動則動搖厥厥不定細如一線小而
有力弦大虛芤脉曰改革渙漫不收其脉為散急疾曰數脉最易見即

脈求病病無不明病叅知脈可決死生然有應病有不相應此最宜詳
不可執定人安脈病是曰行尸人病脈和可保無危中風脈浮滑無痰
氣其或沉滑勿以風治或浮或沉而微而虛扶危溫痰風未可疎寒中
太陽浮緊而瀼及傳而變名狀難悉陽明則長少陽則弦太陽入裏遲
沉必無及入少陰其脈遂緊厥陰熱深脈伏厥冷在陽當汗次利小便
表解裏病其脈實堅此其大畧治法之正傷寒有五脈非一端陰陽俱
盛緊瀼者寒陽浮而滑陰濡而弱此名中風勿用寒藥陽濡而弱陰小
而急此非風寒乃濕溫病陰陽俱盛病熱之極浮之而滑沉之散瀼惟
有濕病脈散諸經各隨所在不可指名暑傷於氣所以脈虛弦細芤遲
體壯無餘或瀼或細或濡或緩是皆中濕可得而斷瘡脈自弦弦遲多
寒弦數多熱隨時變遷風寒濕氣合而為痺浮瀼而緊三脈乃備脚氣
之脈其狀有四浮瀼為風濡弱濕氣遲瀼因寒洪數熱鬱風汗濕溫熱
下寒熨此信腰痛之脈皆沉而弦無浮者風無緊者寒濡細則濕

閃胸尺脉虛弱經瀆而緊病爲足痛或成其痿瀆則無血厥寒爲
微無陰下痢逆冷熱厥脉伏時或而數便秘必難治不可緩也
積聚在裏牢急者生弱急者死沉遲浮瀆疝作寒痛痛甚則伏或
動風寒暑濕氣鬱生涎下虛上實皆暈而眩風浮寒緊濕細暑虛必
而滑虛脉則無治眩暈法尤當審諦先理痰氣次隨証治滑數爲嘔代
者霍亂微滑者生瀆數凶斷偏弦爲飲或沉眩滑或結或伏痰飲中
咳嗽所因浮風緊寒數熱細濕房勞瀆難右關濡者飲食傷脾左關弦
短疲極肝衰浮短肺傷病當咳嗽五臟之嗽各視本部浮緊虛寒沉數
實熱洪滑多痰弦瀆少血形盛脉細不足以息沉小伏匿皆是死脉惟
死有浮大而嗽者生外証內脉參考調停下手脉沉便知是氣沉極則
伏瀆弱難治其或沉滑氣無痰飲沉弦細動皆氣痛証心痛在寸腹痛
在關下部在尺脉象顯然心中驚悸脉必代結飲食之悸沉伏動滑顛
癰之脉浮洪大長滑大堅疾痰蓄心狂乍大乍小乍長乍短此皆邪脉

神志昏亂汗脈浮虛或瀉或濡軟散洪大渴飲無餘遺精白濁當驗於尺結芤動緊二証之的鼻頭色黃小便必難脈浮弦瀉爲不小便便血則芤數則赤黃實脈癢閉熱在膀胱諸証失血皆是芤脈隨其上下以驗所出大凡失血脈貴沉細設見浮大後必難治水腫之証有陰有陽陰脈沉遲其色青白不渴而瀉小便清澀脈或沉數色赤而黃燥屎赤溺兼渴爲陽脹滿脈弦脾制於肝洪數熱脹遲弱陰寒浮爲虛滿緊則中實浮則可治虛則危急胸痞脈滑爲有痰結弦伏亦痞瀉則氣劣肝積肥氣弦細青色心爲伏梁沉芤色赤脾積痞氣浮大而長其色脾土中央之黃肺積息賁浮毛色白奔豚屬腎沉緊面黑五臟爲積六腑爲聚積在本位聚無定處駛緊浮牢小而沉實或結或伏爲積爲聚實強者生沉小者死生死之別病同脈異氣口緊盛爲傷於食食不消化浮滑而疾滑而不勻必是吐瀉霍亂之候脈代勿訝夏月泄瀉脈應暑濕洪而救澀脈必虛極治暑濕瀉分其小便虛脫固腸罔或不痊無積不

痢脈宜滑大浮弦急死沉細無害五痰實熱脈必洪數其或微瀼証爲
虛弱骨蒸勞熱脈數而虛熱而瀼小必殞其軀加汗加嘔非藥可醫頭
痛陽弦浮風緊寒風熱洪數濕細而堅氣虛頭痛瀼弦必瀼痰厥則滑
腎厥堅實瀼疽浮數惡寒發熱若有痛處瀼疽所發脈數發熱而痛者
陽不數不熱不疼陰瀼發瀼之脈弦洪相搏細沉而直肺肝俱數寸數
而實肺瀼已成寸數虛瀼脈痿之形肺瀼色白脈宜短瀼死者浮大不
白而赤腸瀼難知滑瀼可推數而不熱腸瀼何疑遲緊未膿不以平之
洪數膿成不下爲空陰搏於下陽別於上血氣和調有子之象手之少
陰其脈動甚尺按不絕此爲有孕少陰屬心心主血脈腎爲胞門脈應
於尺或寸脈微瀼滑尺數往來流利如雀之啄或胗三部浮沉一止或
平而虛當問月水男女之別以左右取左疾爲男右疾爲女沉實在左
浮大在右女右男左可以預剖離經六至沉細而滑陣痛連腰胎卽時
脫血痕弦急而大者生虛小者弱卽是死形半產漏下革脈主之弱卽

血耗立見傾危診小兒脉浮沉為先浮表沉裏便知其源大凡婦人及
乎嬰稚病同丈夫脉即同例惟有婦人胎產血氣小兒驚疳變蒸等類
各有方法與丈夫異謂如春弦夏名洪脉秋則為毛冬則為石實強太
過病見於外虛微不及病決於內四脉四時皆以胃氣胃氣者何脉之
中和過與不及皆是偏頗春主肝木夏主心火脾土乘旺則在長夏秋
主肺金冬主腎水五臟脉象與五運配肝脉弦長厥厥聶聶指下尋之
如循榆葉益堅而滑如循長竿是謂太過受病於肝急如張弦又如循
刃如按琴瑟肝死之應浮大而散心和且安纍纍如環如循琅玕病則
益數如鷄舉足死操帶鈞後踞前曲浮濇而短謫謫如蓋此肺之平按
之益大胗如循羽不下不上死則消索吹毛颺颺沉濇而滑堅平則若
上下銳滑如雀啄腎之病脉啄啄連屬然而微曲來如解索去如彈
石已死之腎在人審識脾者中州平和不見然亦可察中大而緩來如
雀啄如滴漏水脾臟之衰脉乃見此又有肥瘦修短侏儒肥沉瘦浮短

促長踈各分診法不可一途難盡者意難窮者理得之於心應之於
造道之玄有譽無毀勉旃小子心當熟記

浮沉遲數胗脉切要歌訣

脉爲元氣自先天動靜兩間更有玄三部九候有明見七表八裏九道無
寸關尺定三部分春夏秋冬四時舉脉中條序最多端學者茫茫矣宗
指浮沉遲數爲良訣內外之因要分別外而浮數裏沉遲四樣脉狀當
審決大抵兩寸屬上焦當關胸口至於腰從足抵臍及兩尺三部詳分
理自昭浮而有力則爲風無力爲虛伐本宗沉而有力當爲積無力須
當爲氣逆遲而有力痛難禁遲而無力爲寒疾數而有力當爲熱無力
瘡痍痛痒同

胗得心浮神不寧語言錯亂夢多驚肝家得此爲癰癩腸澼尙學身更

脾浮瘧痢氣喘急吐瀉無度不進食肺浮喘咳大便風面腫生瘡吐血
膿腎脉浮虛滯血多齒牙疼痛背腰跖瘡生足膝無多力又主風搏氣

不和

沉脉主氣見於心崩漏淋漓血侵睛咯血更無流氣結夜間多寐日惺惺怒氣傷肝肝脉沉脅疼氣痛眼睛昏移來脾部成中滿吐瀉身黃及

仁肺沉喘咳肺癰生嘔吐兼痰與失聲腎脉若沉腰背痛陰癩經閉腹

還膨

心脉來遲小便頻悸忡嘔吐及心疼肝遲七疝并諸積木氣之傷痛在胸冷氣傷脾脾脉遲腹中雷響瀉無時肺遲氣痞寒痰盛飲食難消氣漸衰滑脉不禁小便多膝腿酸疼夢涉河及自覺來多有汗只因遲脉腎

家病

心家脉數發狂言口舌生瘡小便難頭暈目眩風熱盛只因數脉見於肝脾數中消好嗜眠胃翻口臭及牙宣肺家脉數上焦熱咳唾痰腥大便難水竭陰消相火生癆癆遺溺兩相侵只因腎脉多來數女子逢之及有娠

五臟明時六腑同何須物外覓神功若能專把恒心會妙理都歸胸臆中
更看形容把脉求肥人沉細瘦長浮嬰兒脉疾老人清矮促長短又不
侷男子關前脉必克女人尺脉定浮洪弦鈎毛石分時序四季平和胃
氣冲萬機四脉既包含生死何常另有玄浮散沉無遲一點數來無數
病難痊歇罷殘陽閃暮鴉半庭新月浸梅花依稀一枕羲皇卧又夢軒
轅教煉砂

十二支年分運氣

子午年少陰君火司天歲氣熱化之候司天者天之氣上半年之謂也

君火者

手少陰心經也心者君主之官神明出焉君火乃主宰陽氣之本于象生土乃發生万物之源也

陽明燥金在泉在泉者地之氣候下半年之謂也

初之氣

厥陰風木用事于上父下益辛瀉苦目年
前十二月太寒節起至二月驚蟄節終止

天時

寒風切烈霜雪
水水登虫伏蟄

民病

關節禁固腹脹
疼中外瘡瘍

二之氣

少陰君火用事火盛金衰補肺瀉心自
二月春分節起至四月立夏節終止

天時 風雨時寒

民病 熱令人目赤

三之氣 少陽相火用事君相二火瀉苦益辛自

天時 火行熱氣生羽蟲不

民病 厥熱心痛寒更

四之氣 太陰濕土用事子母相順瀉肺補腎自

天時 大雨時行

民病 黃腫衄血

五之氣 陽明燥金用事心盛肺哀火相水復自

天時 溫氣乃至初冬

民病 寒熱伏邪

六之氣 太陽寒水用事火衰心病瀉鹹益苦自

天時 暴寒勁切火邪

民病 上腫咳喘甚則血溢

丑未年太陰濕土司天歲氣濕化之候

太陰濕土者 足太陰經也脾中央戊己土每季寄旺一十八日合為七

太陽寒水在泉

初之氣 厥陰風木用事壬旺客衰瀉酸補甘自平前

天時 大風發柴 雨生毛蟲

民病 滯經絡拘強 不利身重筋急

二之氣 少陰石火用事以下生上 濕甘補 終止

天時 大火至疾 疾君令宣 行濕蒸相暴雨時降 民病 遠近受苦

三之氣 少陽相火用事土旺 尅水補腎 渴脾自

天時 雷雨電雷地 氣騰虛氣降 民病 身重肘腫胸腹

四之氣 太陰濕土用事甘旺 鹹衰補腎益膀胱

天時 炎熱沸騰地氣 井上化不流 民病 腹脹浮腫

五之氣 陽明燥金用事土能生金 益肝渴脾自

天時 大涼露 露降 民病 寒瘧痲

六之氣 太陽寒水用事以上尅下 渴脾補腎自

天時 大寒 疑烈 民病 腰節禁固

寅申年少陽相火司天歲氣火化之候

少陽相火者 三焦浮流之火 火邪炎上 主尅肺 受尅則胃 水先母上盛下虛 陽上交交 王諸疾 故傷元氣

厥陰風木在泉

初之氣 厥陰風木用事于父相逢瀉苦益辛自年

天時 熱風傷人

民病 寒熱交作咳逆頭痛

二之氣 少陰君火用事肺衰心盛制苦益辛自

天時 暴風疾雨

民病 吐血熱咳逆胸膈不利

三之氣 少陽相火用事夏旺火熾補肺益大膽

天時 炎熱亢旱

民病 煩熱目赤失血渴

四之氣 太陰濕土用事火能生土瀉甘補鹹自

天時 風露夜降

民病 瘧疾交作

五之氣 陽明燥金用事肺金受邪瀉苦補辛自

天時 寒熱風雨

民病 寒邪風熱

六之氣 太陽寒水用事心火受剋瀉鹹補苦自

天時 寒濕无時地氣

民病 感冒寒邪閉節

卯酉年陽明燥金司天歲氣燥化之候

陽明燥金者 肺與大腸之氣 象庚辛金也

少陰君火在泉

初之氣 厥陰風木用事金木相尅補酸瀉辛自年 前十二月大寒節起至二月鶩蟄節終止

天時 陰始凝雨水乃水 寒雨多花開遲 民病 寒熱浮肺失血 嘔吐小便赤淋

二之氣 少陰君火用事火盛金衰瀉苦益辛自 二月春分節起至四月立夏節終止

天時 臣居君位 大熱早行 民病 疫癘流行 人多幸暴

三之氣 少陽相火用事土盛客衰瀉心補肝自 四月小滿節起至六月小暑節終止

天時 燥熱交合 風雨暴至 民病 寒熱頭痛 煩作渴

四之氣 太陰濕土用事以下生上瀉辛益酸自 六月大暑節起至八月白露節終止

天時 早秋寒雨 有傷禾稼 民病 卒暴寒熱風邪傷人 心痛浮腫瘡瘍失血

五之氣 陽明燥金用事金盛木衰瀉肺補肝自 八月秋分節起至十月立冬節終止

天時 冬行春令草木生氣候反溫 熱清風垂出現反行春令 民病 疫癘溫毒寒熱伏邪 時行作痢氣血不和

六之氣 太陰陰水用事客來助主益苦瀉酸自十
月小雪節起至十二月小寒節終止

天時

民病

辰戌年太陽寒水司天歲氣寒化之候

太陽寒水者

足膀胱經也與足少陰心經合為表裏屬北方壬癸水

太陰濕土在泉

初之氣

厥陰風木用事脾胃受邪瀉酸助甘自年
前十二月大寒節起至二月驚蟄節終止

天時

民病

二之氣

少陽君火用事心火受邪瀉鹹補苦自
二月春分節起至四月立夏節終止

天時

民病

三之氣

少陰相火用事以上乾下瀉鹹助苦自
四月小滿節起至六月小暑節終止

天時

民病

四之氣

太陰濕土用事水旺土哀瀉酸補甘自
六月大暑節起至八月白露節終止

天時

民病

風濕交爭雨生
羽蟲暴風疾雨

火熱短氣
赤白濁

春寒多雨
寒溫無時

暴熱暴雨
年多濕疾

氣滿中滿
浮腫寒熱

寒熱吐痢心煩
悶亂瘧瘕瘡瘍

五之氣

陽明燥金用事金水主旺制鹹益苦自
八月秋分節起至十月立冬節終止

天時

濕熱兩行
各行主令

民病

氣虛客熱血熱
妄行肺氣壅盛

六之氣

太陽陰水用事水盛大哀濕助苦自
十月小雪節起至十二月小寒節終止

天時

疑寒雨雪地
氣正溫令行

民病

病乃悽慄孕婦多災
脾受濕肺肝而哀

巳亥羊厥陰風木司天歲氣風化之候

厥陰風木者

足厥陰肝經也肝屬東方
甲乙木春旺七十二日也

少陽相火在泉

初之氣

厥陰木用事脾胃受邪瀉酸補甘自辛前
十二月大寒節起至二月驚蟄節終止

天時

寒氣肅寒行生
令發氣方至

民病

寒居右脅氣
滯脾胃虛壅

二之氣

少陰若火用事火旺金衰瀉心補肺自
二月春分節起至四月立夏節終止

天時

寒不去霜雪水殺氣
施水阜焦寒雨至

民病

熱中氣血
不升降

三之氣

少陽相火用事肺經受邪瀉苦益辛自
四月小滿節起至六月小暑節終止

天時

風熱大作
雨生羽蟲

民病

咳出耳
鳴掉眩

四之氣

太陰濕土司事大土相則薄酸益甘自
六月大暑節起至八月白露節終止

天時

熱氣返用山澤
浮雲暴雨浮濕

民病

心受邪黃
疸脫腫

五之氣

陽明燥金用事以金刑木瀉肺益肝自
八月秋分節起至十月立冬節終止

天時

燥溫更蒙况陰
乃布風雨

民病

寒風及肺受風
脾受濕發為瘡

六之氣

太陽寒水
十月小雪節

客勝瀉酸補甘自
月小寒節終止

天時

長火司令陽乃火
見流水不水地氣發草乃生

民病

瘟疫心
腎相制

五運時行民病證治方畧

凡遇六辛年發生之紀歲木太過風氣流行脾土受邪民病飧泄食減體
重煩寃腸鳴脅肢滿甚則忽忽善怒眩冒顛疾為金所復則反脅痛而
吐甚則衝陽絕者死

蒼朮湯

治脾胃感風飧泄注下腸鳴腹滿四時重忽忽善怒眩暈左脇

偏彥等証

曰茯苓

厚朴

白朮

青皮

草果

共製

右每服四錢薑棗煎服以功為度

凡遇六戊年赫曦之紀火太迥炎暑流行肺金受邪民病瘡少氣咳嗽
血溢吐瀉熱燥耳聾中熱肩背熱甚胸中痛脅肋背脾及兩背疼

痛而為浸滯為水所復則反譫妄逆效喘息血溢泄瀉不已甚則大淵
絕者先

麥門冬湯 治肺經受熱上氣欬喘咯血痰壅嗑乾耳聾泄瀉胸脅滿痛

連肩背兩臂膊疼息高

麥門冬 香白芷 半夏 白芷 貝母 紫苑茸

鍾乳粉 甘草 人參各等分 昌蒲

右每服四錢薑棗煎服以效為度

凡遇六甲年堆阜之紀歲土太過雨濕流行腎水受邪民病腹痛清厥意

不樂體重煩寃甚則肌肉痿足痿不收行善痺脚不痛中滿食減四肢

不舉為風所復則反腹吐瀉瀉腸鳴則太谿絕者先

附子山茱萸湯 治腎經受濕胸痛寒厥足痿不收腹腿疼行步艱難中
滿不下腸鳴溏瀉

附子 木瓜 丁香 烏梅 山茱萸 肉豆蔻

半夏 藿香

右每服四錢薑棗煎服以効爲度

凡遇六庚年堅成之紀歲金太過燥氣流行肝木受邪風病脇小腹痛目
赤背痒耳無聞體重煩冤胸痛引背脇滿引小腹甚則喘咳逆氣背脊
尻陰股膝脾脘足痛爲火所復則暴痛胸脇不可反側效逆甚而溢
血大衝絕者死

干膝木瓜湯 治肝虛遇歲氣燥溫脇連小腹拘急痛耳聾目赤效逆肩
背連尻陰股膝脘足痛悉治之

牛膝 木瓜 芍藥 杜仲 枸杞子 黃松節

天麻 甘草 兔絲子

右每服四錢薑棗煎服以効為度

凡遇六丙年漫衍之紀歲水太過寒氣流行邪害心火民病心熱身燥

下中寒譫妄心痛甚則腹大脰腫喘咳寢汗憎風為土所復則反腹

腸鳴溏瀉食不化渴而妄冒甚則神門絕者死

川連茯苓湯 治心虛為寒冷所中心熱燥手足反寒心腹腫病喘咳目

汗甚則大腸窘迫

黃連 茯苓 麥門冬 車前子 通草 遠志

半夏 黃芩 甘草

右每服四錢薑棗煎服以効為度

凡遇六丁年委味之紀歲木不及燥乃盛行民病中清脘脇小腹痛腸鳴

唐瀉為火所復則反寒熱瘡瘍疔癰腫咳而齟

菴蓉牛膝湯 治肝虛為燥小腹痛腸鳴溏瀉或發熱瘡瘍咳嗽胸滿

肉菴蓉 牛膝 木水 白芍 熟地黃 當歸

甘草

右每咀四錢薑烏梅煎服筋痿脚弱加鹿角屑同煎

凡遇六癸年伏明之紀歲火不及寒乃盛行民病胸痛脇肢滿應背有脾
兩臂疼鬱冒眩暈心痛暴瘖其則屈不能伸髀骨如別為土所復則反
譙溇飲食不下寒中腸鳴泄汪腹痛暴瘖痺足不能任身

黃芪扶神湯 治心虛挾寒心胸中痛兩脇連肩背肢滿膈塞鬱冒手足
不攣痛不能屈伸或不利或溇瀉食不下

軟柴胡

酸棗仁

黃芪

扶神

遠志

右每服四錢薑棗煎服以効為

凡遇六巳年卑監之紀歲土不及風氣盛行民病飧泄霍亂體重身痛筋
骨拘并肌肉羸酸善怒為金所復則反胸脇暴痛下引小腹善太息氣
客於脾食少味

治脾虛風冷所傷小腹脹滿疼痛四肢筋骨重弱肌肉羸

暴痛太息少食

白木 厚朴 半夏 桂心 藿香 青皮 乾

甘草 右每服四錢薑棗煎服以効為度

凡遇六乙年從革之紀歲金不及炎火盛行民病肩背脊重鼾嚏血便注下為水所復則反頭腦戶痛延及顛頂發報口瘡心痛

紫苑湯 治肺虛感熱咳嗽喘滿自汗衄血肩背脊重便血注下發熱口

瘡心疼腦戶連顛頂痛

紫苑茸 白芷 人參 甘草 黃芪 地骨皮

杏仁 桑白皮

右咀四錢薑棗煎服以効為度

凡遇六壬年涸流之紀歲水不及温乃盛行民病腫滿身重濡瀉寒瘍腰脰膈股膝痛不便煩寃足痿清厥脚下痛甚則肘腫腎氣不行為木所復則反面色時變肢臂筋骨肉羸目視眊亡肌肉胗發熱并膈中痛於心腹

五味子湯治腎氣虛坐卧濕地腰膝重著腹滿溇瀉無度行步難足痿清

厥目視眩上膈中及咽痛

五味子 附子 炮去 皮臍

巴戟

鹿茸

山茱萸

杜仲

熟地黄

右切四錢薑棗煎服以効為度

凡六壬六戌六甲六庚六丙乃木火土金水太過為五運先天六丁六癸六巳六乙六辛歲乃木火土金水不及為五運後天民病所感治之各以五味所勝調和以平為期也

六氣時行民病証治方畧

辰戌之歲太陽司天太陰在泉氣化運行先天初之氣乃少陽相火加臨厥陰風木民病温身熱頭疼嘔吐肌腠瘡瘍二之氣陽明燥金加臨少陰君火民病氣鬱中滿三之氣太陽寒水加臨少陽相火民病寒反熱中瘡疽心中熱瞖悶四之氣厥陰風木加臨陽明燥金民氣乃行五之

氣少陰君火加臨陽明燥金民病客熱血熱肺受火邪終之氣太陰濕
土加臨太陽寒水民乃懷慘孕死治法用甘溫以平水酸苦以補火抑
其運氣扶其不勝

靜順湯 治戊辰之歲
以下諸証

白茯苓

木瓜 各一兩

附子

防風

牛膝 各三錢

訶子

甘草

乾薑 各五錢

右切每四錢煎服

其年自大寒至

春分宜用附子加枸杞五錢自春分至小滿依前入附子同枸

杞自小滿至大暑去附乾薑木瓜加人參枸杞地榆香白芷生

薑各三分自大暑至秋分依正方加石榴皮五錢秋分至小雪

依正方自小雪至大寒去牛膝加當歸芍藥阿膠珠各三分

卯酉之歲陽明司天少陰在泉氣化運行後天初之氣太陰濕土加厥陰

風木此下尅上民病中熱面目浮腫善脹齕衄嚏欠嘔吐小便黃赤甚

則林二之氣少陽相火加少陰君火火燥交合民病寒熱三之氣陽明

燥金加少陽相火此下尅上民病燥熱涼風開發寒熱頭痛心煩作渴
四之氣太陽寒水加太陰濕土此下土尅上水民病暴仆振慄譫妄少
氣咽乾引飲心痛癰腫瘡瘍寒瘡骨痿便血五之氣厥陰風木加陽明
燥金民病氣終之氣少陰君火加大太陽寒水此下尅上民病溫治法以
鹹寒抑火辛甘助金汗之清之散之安其運氣

審平湯 治卯酉之歲
以下諸証

遠志

紫檀香

天門冬

白朮

白芍藥

甘草

生薑

山茱萸

各三錢

右切每四錢煎服

自大寒至春分

加白茯苓半夏紫蘊生薑各五錢自春分至小滿加玄參白薇
各五錢自小滿至大暑去遠志山茱萸白朮加丹參澤瀉各五
錢自大暑至秋分去遠志白朮加酸棗仁車前子各五錢自秋
分至大寒並依正方決無疑矣

寅申之歲少陽相火司厥陰風木在泉氣化運行先天初之氣少陰君火

加厥陰風木民病溫氣拂於上血溢目赤欬逆頭痛血崩腸滿膚癢
瘡二之氣太陰濕土加少陰君火民病熱鬱欬逆嘔吐胸臃不利頭瘡
身熱昏憤膿瘡三之氣少陽相火加臨相火民病熱中聾瞶血溢膿瘡
欬衄衄嚏欠喉痺目赤四之氣陽明燥金加太陰濕土民病滿身重五
之氣太陽寒水民病悶不禁心痛陽氣不藏而欬六氣同治宜鹹寒平
治其上辛濕治其內宜淡滲之泄之清之發之

升明湯 治庚甲之歲
以下諸証

紫檀香 車前子 青皮 半夏 墻蘼 生薑

甘草 各五錢 酸棗仁 五錢 右切每四錢煎服 自大寒至春

分加白薇去玄參各五錢 自大暑至秋分加茯苓五錢 自秋分
至小雪依正方 自小雪至大寒加五味子五錢

丑未之歲太陰濕土司天太陽寒水在泉氣化運行後天初之氣厥陰風

木加臨風木民病血溢筋絡拘強關節不利身腫筋痿二之氣大火正

乃少陰君火加臨君火民病溫癘盛行遠近感若三之氣太陰濕土加
臨少陽相火民病身重胛腫腹滿四之氣少陽相火加臨太陰濕土民
病腠理熱血暴溢瘡心腹膜脹甚則浮腫五之氣陽明燥金加臨陽明
燥金民病皮膚寒氣及體終之氣太陽寒水加臨寒水民病關節禁固
腰腿痛治法用酸以平其上甘溫以治其下以苦燥之溫之甚則發之
泄之陽火以禦其寒

備化湯

治比未之歲
以諸証

木瓜

茯苓

牛膝

附子

甘草

熟地

覆盆子

生薑

右切每四錢煎服

自大寒至春分依正方自春分至小滿去附子加天麻防風各
五錢自小滿至大暑加澤瀉三分自大暑至大寒並依正方

丙午之歲少陰君火司天陽明燥金在泉氣化運行先天初之氣太陽寒
水加厥陰風木民病關節禁固腰膝痛外瘡瘍二之氣厥陰風木

少陰君火民病淋目赤氣鬱而熱三之氣少陰君火加少陽相火民病
愁厥心痛寒熱更作哮喘目赤四之氣少陰濕土民病黃痺軌衄噎
吐飲五之氣少陽相火加臨陽明燥金六之氣少陰終之氣陽明燥金加太
陽寒水民病上腫咳嗽甚則血溢下連小腹而作寒中治法宜鹹以平
其苦熱以治其內鹹而軟之苦以發之酸以收之

正陽湯 治子午之歲
以下諸証

白薇 玄參 川芎 芍藥 旋覆花 桑白皮

當歸 甘草 生薑 右切每四錢煎服 自大寒至春

分加杏仁升麻各五錢自春分至小滿加茯苓車前子各五錢

自小滿至大暑加杏仁麻子仁各一分自大暑至秋分加荆芥

陳蒿各一分自秋分至小雪依正方自小雪至大寒加紫蘇子

五錢

己亥之歲厥陰風木司天少陽相火在泉氣化運行後天初之氣陽明燥

金加臨厥陰風木民病於右脇下二之氣太陽寒水加臨少陰君火民
病熱中三之氣厥陰風木加少陽相火民病淚出耳鳴掉眩四之氣少
陰君火加臨太陰濕土民病黃瘡肘腫五之氣太陰濕土加臨陽明燥
金燥濕相勝寒氣及體終之氣少陰相火太陽寒水此下水尅上火民
病溫癘治法宜用辛涼以平其上鹹寒以調其下畏火之氣無妄犯之
可也

數和湯治巳亥之歲
以下諸証

半夏

棗子

五味子

枳壳

茯苓

訶子

乾薑

橘皮

甘草

右切每四錢煎服

自大寒至春

分加棗粘子八分自春分至正二加麥門冬山藥各三錢自小
滿至大暑加紫苑三分自大暑至秋分加澤瀉山梔子各五錢
自秋分至大寒並依正方

凡六氣數起於上而終於下歲半之前自大寒之後天氣主之歲半之後

自大暑之後地氣主之上下交豆氣交主之司氣以熱用熱無犯司氣以寒用寒無犯司氣以涼用涼無犯司氣以溫用溫無犯司氣同其主亦無犯其主則少犯之是謂四畏若天氣及時可依時及勝其主則可犯以平為期不可過也

五運主病切要

諸風掉眩皆屬肝木

諸痛瘡瘍皆屬心火

諸濕腫滿皆屬脾土

諸氣臍鬱病痿

皆屬肺金

諸氣收引皆屬腎水

此五運切病金木水火土也

六氣為病切要

風病

諸暴強直支痛軟矣裏急筋縮皆屬於風厥陰風木是肝膽之氣也

熱病

諸病喘嘔吐酸暴注下迫轉筋小便混濁腹脹如鼓大瘧疽瘡瘍瘡氣結核吐下霍亂蒼鬱腫脹鼻塞鼽衄血溢血泄淋閉身熱惡寒戰慄

悲狂笑謔語鱗衄血污皆屬於熱少陰君火之熱是真心小腸之氣也

濕病

諸瘕強直積飲痞膈中滿霍亂吐下体重附腫肉如泥按之不起者皆屬於濕太陰濕土是脾胃之氣也

火病

諸熱冒昧瞽瘖暴昏躁熱狂越罵詈驚駭肘腫酸疼氣逆衝上禁慄如喪神守噎嘔瘡瘍喉痺耳鳴耳聾噤食不下目昧不明暴病暴死皆屬於火少陽相火之熱是心包絡三焦之氣也

燥病

諸澁涸乾勁皺揭皆屬於陽明燥金是肺與大腸之氣也

寒病

諸病上下水液澄澈清冷癥瘕癩疰堅痞腹滿急痛下痢清白食已不能吐利腥臭屈伸不便厥逆禁固皆屬於寒足太陽寒水是腎與膀胱之

氣也

此六氣為病乃風
熱濕火燥寒是也

按春月順時節宣

內經曰春月陽氣閉藏於冬者漸發於外故宜發散以暢陽氣有曰春三月此謂發凍天地俱生万物以榮夜卧早起廣步於庭披髮緩形以使志生生而勿殺予而勿奪賞而勿罰此春氣之應養生之道也逆之則傷肝夏月寒變故人當二月以來摘取東引桃枝及葉各一握水三升煎取二升早晨空心服之即吐心膈痰飲宿熱即除不能為害春深稍宜和平將息綿衣晚脫不可令背寒寒則傷肺鼻塞咳嗽覺熱即去之覺冷即加之加減則在早起之時若於食後日中恐致感冒風寒春不可衣薄令人傷寒霍亂消渴頭痛春東未泮衣欲下厚而上薄也大風大雨皆宜避之東垣曰木在時為春在人為肝在天為風者無形之清氣也其時脉當弦而六部俱見於本脉之中又必緩於四至五至是謂有胃氣脉經云阿阿緩若春揚柳此是脾家脉四季夏秋冬效此善調

者百病不生間或失調乃傷冬寒至春發為溫熱之病故曰寒受熱邪
名曰傷寒以左脉浮緊為亦是也若當春傷風即病左脉浮緩為亦是
也又有飲食不節房室勞役過度則為內傷發熱之証當以右脉盛大
為亦是也素問曰春傷於風夏生飧瀉保生論曰慎起居節嗜慾薄滋
味行陰陽可以却病延年云耳

按夏月順時節宣

內經曰夏月人身陽氣發外伏陰在內是脫精神之時最忌下利以泄陰
氣故又曰夏三月此謂蕃莖天地氣交万物華實夜卧蚤起無厭於日
使志無怒使英華成秀使氣得泄若所愛在外此夏氣之應長養之道
也逆之則傷心秋為痲痺故人常宜宴居靜坐節嗜慾和心志此時心
旺腎衰精化為水至秋乃凝尤宜保養以固陰氣常以熱物使腹中溫
緩生瓜果冷水蜂蜜尤不可食食多秋必痢瘧勿以冷水沃身使人得
虛熱眼暗筋脉厥逆霍亂轉筋之疾勿當風露卧勿睡中揮扇汗休毛

凡開竅風邪易入犯之令風痺不仁手足不遂言語蹇澁之疾年壯者
不爲害亦種病根氣衰之人如桴鼓影響矣凡夏不宜極涼極涼則心
抱浮寒而秋冬肺與腎有沉滯之患然大熱亦有所當避素問曰夏傷
於暑秋必痲瘧慎者却之其或傷風於春清氣在下至長夏而飧泄者
則右陽明足太陰之脉弦緊太爲辯是也又夏至傷胃暑者則左脉微
虛弱而身熱爲辯是也或脉浮者此手少陽與胃應也則霍亂吐瀉轉
筋四肢厥冷身無疼痛心火正旺六部脉該微洪於本部而緩也經曰
夏傷於暑秋必痲瘧保生論曰夏至一陰生當節嗜慾也

按秋月順時節宜

內經曰秋月當使陽氣收斂不宜吐及發汗犯之令人臟腑消鑠故又曰
秋三月此謂容平天氣以急地氣以明早起與鷄俱興使志安寧以緩
秋形收斂神氣使秋氣平無外其志使肺氣清此秋氣之應養收之道
也逆之則傷肺冬爲飧泄若知夏時多食冷物及生瓜果稍多即宜以

童子小便二升並大附子檳榔五顆細切煎取八合下生薑汁一合和
臘雪三分早間空心分為兩服瀉三行夏月所食冷物及膀胱宿水悉
為驅逐而出即不為患此藥是乘氣湯雖老年之人亦宜服之瀉後二
日以白粥加羊腎或猪腰一枚空心補之勝進補藥也秋當溫足以凍
腦其時清肅之氣與歛行之體也自夏至以來陰氣所旺當節情欲衽
席之私以為壽基或夏傷於暑秋發痰瘧木氣終見三焦二少陽相合
病也陽上陰下交爭為寒為熱肺金不足灑拚寒熱此皆往來未定之
氣也以二少陽脉微弦為辯是也又有夏食生冷積滯留中秋作痢疾
以足陽明太陰微弦而緊者是秋脉當如毛則及時矣素問云秋傷於
濕冬生咳嗽保生論曰養氣完形寡慾蓄精肺金司秋之正令也

按冬月順時節宣

內經曰冬月天地閉血氣藏伏陽在內心膈多熱切忌發汗以洩陽氣故
又曰冬三月謂之閉藏水冰地圻無擾乎陽早卧晚起必待日光使心

若伏若匿若有私意若已有得去寒就溫無泄皮膚使氣亟奪此久氣
之意養藏之道也逆之則傷腎春爲痿厥故人當服浸酒之藥以迎
氣須然不可過緩綿衣宜晚着須漸加厚大寒未可向猛火且手足能
引火氣入心使人心臟燥熱冬月天寒陽氣已自鬱熱若重裘猛火加
以醉酒則陽氣大甚若遇春寒閉塞之久不卽發散至春夏之交陰氣
既入不能攝運陽氣必致有時行熱疾甚者狂走妄語又不可過勞房
室不可觸冒風寒故曰冬傷於寒春必溫病故冬不欲極熱熱則腎受
虛陽而春夏肝心二臟有壅蔽之患冬脉宜沉按至骨而滑六部亦然
如秋傷於濕冬生咳嗽是腎水受迫上行與脾土相合爲痰咳則手太
陰陽明及是二經脉洪實也若冬寒傷胃感邪卽病足太陽少陰本病
也經曰冬傷於寒春必溫病此時傷令也人其慎之性理云病時藥餌
固不可緩愈後保護老子曰人能爲善行方便作好事爲一生大藥何
病之有富

十二經見証捷要

足太陽膀胱經見証

一頭苦痛 目似脫 頭兩邊痛 淚出 臍反出 下腫便膿血

肌肉痿 項似拔 小腹滿脹 按之欲小便不得

足陽明胃經見証

惡與火 聞木聲則驚 狂上登而歌 棄衣而走 顏黑 不能言

唇膠 嘔 呵欠 消穀善飢 項腫 膺乳冲股伏兔胛外廉足胛

皆痛 胸旁過乳痛 口喎 腹大水腫 奔響腹脹 跗內廉跗痛

數欠 癩疾 髀不可轉 脰似結 膈似裂 膝臏腫痛 遺溺失氣善

伸 浸濕 驚疾 心欲動則閉戶獨處 身前熱 身後不熱

足少陽膽經見証

口苦 馬刀挾瘦 胸中脇肋髀膝外至胛絕骨外踝前諸節痛

足外熱 寢寒憎風 體無膏澤 善太息

手太陽經見証

面白 耳前熱苦寒 頰頰腫不可轉 腰似折 肩臑肘臂外後

腫痛 臑背內前廉痛

手陽明經見証

大指次指難用 耳聾輝上焯上耳鳴嘈上 耳後肩臑肘臂外皆痛

氣滿皮膚堅而不痛

足太陰經見証

五泄注下值色 大小便不通 面黃 舌本強痛 口甘 食即吐

食不咽 怠惰嗜卧 搶心 善饒善味 不嗜食 不化食 尻陰

股膝臑胫足背痛 煩悶 心下怠而痛 有動痛按之若牢當臑扁

心下痞 腹脹腸鳴 殮泄不化 足不收行善痺脚下痛 九竅不

通 澹瀉水下後出餘氣則快 飲食中滿 食減則噫形醉皮膚

而短氣肉痛 身體不能動搖 足胻腫若水

足少陰經見証

面如漆 眇中清 面黑如炭 口渴 咳唾多 胸中滿 大小腹痛 大便難 臍左脇下背肩髀間痛 饒不欲食 腹大胫腫喘嗽 脊腎腹後痛 脊中脊腋內後廉俱痛 腰冷如水及腫 足痿厥臍下氣逆小腹急痛而泄 下腫足胕寒而逆 腸澼陰下濕 四指黑 手指青厥 足下熱嗜卧坐而欲起 凍瘡下痢 善思善恐 四肢不逆不舉

足厥陰經見証

頭痛 脫色善潔 耳無聞頰腫肝逆 面青目赤腫痛 兩脇下痛 引小腹 胸痛脇腫 婦人小腹腫 腰痛不可俛仰 四肢滿悶 挺長熱 嘔逆 羸丸腫 羸疝 暴癢 足逆寒 胕善痠 遺淋 瀝澀便難癘狐疝癩 冒眩轉筋 陰縮筋_縮 善恐 胸中喘罵 血停脇下喘

手太陰經見証

善噦 缺盆中痛 臑肩俱痛 澹瀉 肩背臑右小腹脹引腹滿

小便數 皮膚痛及麻木喘少氣頰上氣也 悲愁笑歌 灑淅

手少陰經見証

消渴 兩腎內痛 後廉腰背痛 浸淫 善笑善驚善忘 上咳吐

下氣泄 眩仆 身熱腹痛而悲

手厥陰別脉經見証

笑不休 手心熱 心中大熱 面黃目赤 心中亂動

手足陰陽經合生見証

頭頂痛足太陽手少陰 黃疸足太陰少陰 面赤手少陰厥陰手足

陽明 面黃手陽明少陰太陽厥陰足太陽 耳聾手太陽上明少陽

太陰足少陰 喉痺手足陽明手少陽 鼻衄衄手足陽明太陽 目

眊上無所見足少陰厥陰 瞳人痛足厥陰 面塵足厥陰少陽 咽

腫足少陰厥陰 盜乾手太陰足少陰厥陰手少陰太陰 噦手少陽
足太陰 膈噎不通不食足陽明太陰 胸滿手太陰足厥陰手厥陰
胸支滿手厥陰少陰 腋腫手厥陰足少陽 脇痛手少陰足少陽
胸中痛手少陰足少陽 善嘔苦汁足少陽足陽明 少氣咳嗽喘渴
上氣手太陰足少陰 喘手陽明足少陰手太陰 臂外痛手太陽少
陽 掌中熱手太陽上明厥陰 肘攣急手厥陰太陰 腸滿腫足陽
明太陰 心痛手少陰厥陰足少陰 痔足太陽手足太陰 凄振寒
慄足陽明少陽 如人將捕足少陰厥陰 瘡足太陰足三陽 汗出
手太陽少陰足陽明少陽 身體重手太陰少陰
右十二經見証切要完

十二經絡臟腑病情藥性切身要錄

心乃手少陰之經多氣少血下火之臟君主之官神明出焉其旺於夏為
生之本也內合脉而外榮乎色味喜苦而志在乎笑髮乃血苗汗

夜聞竅於舌脉在左寸是心也實則熱虛則寒靜則安而動則躁
者怯怕多驚健忘彷彿清便目可眵必濡細遲虛實熱者顛狂
赤舌乾二腑澁黃脉須數洪沉實心盛則熱見乎標心虛則熱收於
虛則補其母實則瀉其子虛實既知補瀉必當也味甘瀉而補之以
氣熱補而瀉之以冷心陽不足桂心代赭紫石英補須參附離火有餘
竹葉大黃山梔子瀉用芩連凉心者硃砂壯心者琥珀舌長過寸研水
片付之而卽收舌衄如泉炒槐花糝之而卽止除瘡落菌膏犀角共展
砂定志寧神丸硃砂共薄草蔓荆子凉諸經之血草連翹瀉六經之火
神氣不安須龍齒沙參小草健忘失記必茯神遠志當歸多睡兮啜盧
仝之苦茶不眠兮服雷公之酸棗凉血補陰生地黃行津止渴天花粉
文蛤末愈口瘡繡鐵粉噙消舌腫中風不語取竹瀝凉之且良積熱多
言硃砂鎮之又善胸中痞痛開用枳實瓜蒌心内懊憹治之梔子豆豉
心熱痛炒薑蒲川練梔子宜焦冷心痛須木香肉桂玄胡可炒心驚盜

汗末白芷與辰砂鼻衄流紅用黃芩草芍藥鴛獨妙真珠顛狂健
 鐵粉安鎮靈臺琥珀丹砂和王屑開清神府茯神遠志共蒼蒲病要心
 詳藥須心悟

本經補瀉溫涼藥品

補 酸棗仁 金屑 麥門冬 遠志 紅花 銀屑

天竺黃 山藥 羚羊角 川芎 當歸

瀉 枳實 苦參 半夏 鬱金 前胡 葶藶

貝母 杏仁 玄胡 黃連 木香

溫 石菖蒲 蘇子 藿香

涼 竹葉 丹砂 礬石 牛黃 鬱金 黃連

玄明粉 知母 麥門冬 真珠 貝母 連翹

蘆根 柴胡 東垣報使引本經藥 獨活 細辛

小腸乃手太陽之經多血少氣丙火之腑受盛之官化物出焉合心臟而

長三丈二尺曲十六而廣二寸有四沁清別湯之湯法亦可經在八
 詳左寸是腸也病則小腸痛連腰脊控睪而疼實則下白氣涼補而瀉温味辛
 生瘡虛則脉虛懊懣而唇青下白氣涼補而瀉温味辛
者補小腸言藥性温者瀉小腸也 小便頻而丸縮泉精不固而丸威喜智神遠志能清
 濁龍益石蓮果蒞精小腸疝氣茴香薑浸入青塩川練炒成加木煎滑
 石寒而治諸淋沉香温而行諸氣尿血煮苦曹菜根血淋煎車前子桑
 清泉旋汲飲髮灰薄荷時煎調琥珀熱入小腸為赤帶茴香苦練當歸
 邪氣入腸變膏淋滑石金沙甘草能用變通諸藥果姪欲死之瘡考古
 驗今得治幸廖將危之秘升坎水以沃心陽降離火而温腎水用此格
 言永為徵驗

本經補瀉温凉藥品

補 牡蠣 石斛

瀉 海金沙

隨續子

荔枝子

葱白

紫蘇

温 巴戟

小茴香

烏藥

大茴香

凉 通草

天花粉

茅根

黃芩

東垣使引本經藥

藁本

行上

羌活

行上

黃柏

行下

肝乃足厥陰之經多血少氣乙木之臟將軍之官謀慮出焉氣旺于春罷極之本也其味酸而其色青其聲呼而其志怒內藏魂而藏血外榮爪而榮筋淚出于肝候在於脇開竅于目脉在左關

脇痛而目自腫疼虛則脉虛七葉薄而汪上昏淚滋心火以補虛抑陽光而瀉本實故味辛補而瀉酸氣凉瀉而温補薑橘細辛補之宜芍藥大黃瀉之可自勝離婁君神麴而佐磁砂手開腎睥搗羊肝而丸連未氣疼兩脇君枳實芍藥參芍痰攻發臂施木草橘半香芩左脇脹疼桂心枳壳草薑黃石助刺痛粉草川芎和枳實悲怒傷肝發脇痛芎辛枳梗防風乾葛草薑煎風寒撼木一囊疼面香烏藥青皮良薑調酒飲疝本肝經何藥可瘰附子山枝力鼠高全蝎玄胡功不小上燥下

膏搗丸歸鹿頭痛氣厥烏藥細末川芎寒濕脚氣踏椒囊風熱濕
栢木推行動若盤珠無使刻舟求劍

本經補瀉溫涼藥品

補

木瓜

阿膠

沙參

薏苡仁

胡黃連

草龍胆

楮實

酸棗仁

瀉

橘葉

青皮

川芎

芍藥

款冬花

吳茱萸

柴胡

青黛

犀角

溫

木香

肉桂

涼

菊花

柴胡

陳皮

草決明

車前子

東垣報使引本經藥

柴胡入本經

青皮行下

川芎行上

膽為足少陽之經少血多氣甲木之腑中正之官決斷出焉附肝葉而藏

汁三合喉咽門而著象多青開竅隨肝脉在左關位是脉也病則眉傾

口苦而嘔宿汁善大息恐如人捕實則脉實而精神不守半夏湯瀉之

最良虛則脉虛而煩擾不眠温膽湯補之尤善滋陰養火全心氣茯神
四倍沉香安鎮驚癇壯膽神鉛汞結同硃乳膈壅咽喉腫痛每枚破毒
之功膽虛睡卧憂驚累仗人參之力清熱寬咽薄荷桔甘芩腦子驚心
怖膽人參酸棗乳辰砂膽虛寒而不眠炒酸棗調煎竹葉膽實熱而多
睡生棗仁末和薑茶輕重必操乎權衡方圓必循乎規矩

本經補瀉温涼藥品

補 胡黃連 草龍膽 木通

瀉 青皮 柴胡 黃連

温 川芎 半夏 陳皮 生薑

涼 黃連 柴胡 竹茹 東垣報使引本經藥 川芎

柴胡 入木經 青皮 行下

脾為足太陰之經少血多氣已土之臟倉廩之官五味出焉其華在唇四
白其氣通土四季其味甘而其色黃其聲歌而其志思內藏意而生四

肢外合肉而統五臟涎爲脾液噦爲一病開竅於口脉在右關是脾也

實則飲食消而肌肉清澤虛則身體瘦而四肢不收臍突肢浮生之

口青唇黑死之易去病安生理宜調攝戒滿意之食省爽口之物因飲

食勞倦之災定溫多辛少之劑飲食因寒熱之傷湯藥無補瀉之法氣

別寒熱溫涼用適其時味必甘補苦瀉行當熟記如白朮健脾消食必

青皮枳實人參緩土和氣須半夏橘紅柴胡除不足之熱佐之甘草升

麻黃芪去有汗之火輔之芍藥川芎氣虛嘔而人參茱萸脾寒吐而丁

香半夏泄瀉手足冷而不渴兮附子乾薑霍亂吐瀉而不藥兮胡椒藜

豆脾冷而食不磨兮參苓草果等陳皮丹加砂豆胃寒而飲不消兮蒼

朮橘甘加豆蔻更入參苓香附微寒與砂仁消食化氣更妙安胎沉香

少溫共藿香助土調中奇消水腫破血消癥兮三稜莪朮去瘀除痛分

蒲黃五靈苗香治霍亂轉筋共濟木瓜烏藥辣桂主中焦氣滯相扶枳

壳生薑心腹疼痛兮玄胡散八胡椒良薑炒同香附肚實脹兮大黃

百何醫宗 卷之二
三十一
朴牽牛木香芩瀉腹虛膨兮參苓朮橘沉砂麩礞附豆天抵物滯氣
傷補益兼行乎啻滯食多胃壅推陳並賈乎和中大黃有蕩滌之才已
豆是推逐之劑用宜消息行當詳審

天食人以五氣

天以五氣食人者燥氣湊肝焦氣湊心香氣湊脾腥氣湊肺腐氣湊
地食人以五味

地以五味食人者酸味入肝苦味入心甘味入脾辛味入肺鹹味入也腎
五氣入鼻藏於心肺

心榮面色藏於心肺上使五色備潔分明音聲彰著

五味入口藏於腸胃五氣得之而和五神因之而著氣壯神生氣為水母
故味藏於腸胃味養五氣和化液津方生津液與氣相副化神神氣乃
生而宣化之也

本經補瀉溫涼藥品

人參 白木 黃芪 蓮子 芡實 山查

補 扁豆 麥芽 甘草 山藥 白芍 乾葛

半夏 升麻 柴胡 枳實 滑石 赤茯苓

瀉 赤芍 枳殼 巴豆 葶藶 青皮 桑皮

乾薑 生薑 木香 砂仁 肉豆蔻 川芎 益智

溫 丁香 藿香 胡椒 良薑 川附子 紅豆 官桂

吳茱萸

涼 黃連 滑石 甘草 升麻 山梔子 連翹 白芍

東垣報使引本經藥 白芍 升麻

胃乃足陽明之經多血少氣戊土之腑長一尺六大一尺五容受水穀

號倉庫候在唇口乾而液下腫疼宜瀉胃土風則脉虛腹痛鳴而面

虛浮藥須溫補驗實熱兮心口壅乾瀉黃散而得効審虛寒兮必骨節

疼痛人參散而直奇橘皮竹茹胃熱渴而頻嘔嘔噦烏糞沉香兮胃

痛而日日攢眉人參治翻胃之良豆蔻消積氣之冷芎藭不啻藿葉人
參橘夏心脾刺痛砂仁香附烏沉胃冷生痰半夏生薑生附子中寒停
水麩丸蒼朮久陳皮芫花消癥瘕丸共硃砂黃芪治消渴煎同甘草鉉
汞結成砂子汞是水銀也吐逆立痊參朮煎同薑棗酢咽則可霍亂轉筋肢
逆冷木瓜鹽炒吳茱萸食癥酒癖脇胸疼蓬朮羌稜同醋煮胃虛咳逆
人參甘草共陳皮藿葉丁皮加半夏補虛降火竹葉茹橘與陳皮或加
枳朮扶弱祛寒柿蒂也橘良薑丁半夏參草薑苓當知胃為水穀之
海不為消化之器納穀則昌絕穀則亡水去榮散穀消衛亡榮散衛亡
神無所居水入於經其血乃成穀入於胃脉道乃行故血不可不養衛
不可不溫血和衛溫榮衛乃行天命常存表嘉言景仰乎先哲作法度
敬啟乎後人

本經補瀉溫涼藥品

補

白朮

蓮子

艾實

山查

陳皮

麥芽

白扁豆

神麩 滑石 黃芪 山藥 半夏 白合

瀉 枳實 巴豆 硝石 芒硝 大黃

良薑 香附 生薑 木香 肉豆蔻 白豆蔻 川芎

溫 藿香 厚朴 益智 丁香 吳茱萸 草豆蔻 辛夷

胡椒 香薷

玉屑 滑石 石膏 白朮 玄明粉 寒水石 石斛

涼 茅根 黃連 黃芩 乾葛 天花粉 山梔子 升麻

連翹 紫參 松脂 竹茹 韭汁

東垣報使引本經藥 葛根 白芷 升麻上行 石膏下行

肺乃手太陰之經少血多氣辛金之臟相傳之官治節出焉其旺於秋為氣之本也其味辛而其色白其聲笑而其志憂內藏魄而外養皮毛上榮眉而中生津液開竅於鼻脉在右寸是肺也實則脉實上熱氣粗無鼻壅瀉必辛涼虛則脉虛少氣低微不足息補須辛熱陳皮半夏逐痰

氣之神方神麩橘薑治氣嗽之聖藥七情鬱結因而喘沉香烏藥參
 胸痞喘急徹而痛半夏瓜蒌枳梗鼻塞不通丸荊芥澄茄薄荷鼻淵不
 止末龍腦蒼芷辛夷豆化却去紅痰百合款冬花二味等分二母偏除
 熱刺知母貝母二味等分黃連赤茯苓阿膠抑心火而清肺臟柯子杏仁通
 草利久嗽而出喉音流注疼痛因痰飲宜半夏倍於朴硝痒痛癢疹為
 風熱宜苦參少於皂莢哮喘齁齁兜鈴蟬蜋杏除尖砒霜少入熱壅咽
 喉鷄蘇荆芥桔防風參芩甘草消酒醴輕粉硫黃去鼻痔白礬甘遂白
 砒石性本重大入豆豉偏治喘齁百草霜性本輕微和海鹽必消舌腫
 甜葶藶良治肺癆苦熊膽必塗腸痔華蓋而本清象乾金而生水

本經補瀉溫涼藥品

- | | | | | | | |
|---|----|----|-----|-----|-----|-----|
| 補 | 人參 | 黃芪 | 五味子 | 酸棗仁 | 麥門冬 | 車前子 |
| | 山藥 | 紫苑 | 百部根 | 瓜蒌仁 | 白茯苓 | 阿膠 |
| | 白膠 | | | | | |

瀉 葶藶 防風 檳榔 桑皮 枳壳 蛤蚧 通草

澤瀉 琥珀 赤茯苓 冬葵子

温 欵冬花 乾薑 生薑 白豆蔻 肉桂 木香 杏仁

蕪子 半夏 橘紅

凉 沙參 天門冬 玄參 貝母 桔梗 兜鈴 香薷

瓜蒌 枯芩 王瓜種 萊菔子 犀角 百部 知母

山梔子 枇杷子 人溺 石膏 青黛

東垣報使引本經藥 白芷 升麻 葱白

大腸乃手陽明之經，受血少氣，庚金之腑，傳道之官，變化出焉，合臟而長

二丈之一曲十六而廣四寸，候在鼻頭脈，詳右寸，此腸也，實則脈實，傷

熱而腸滿不通，辛温可瀉，虛則脈虛，傷寒而腸鳴泄痛，補必酸凉，蒸黃

連而解酒毒，炒厚朴而止便，紅腸風炒川烏，荊芥臟毒，奇卷栢黃，芪痢

中六神丸宜調，則調滯下百中散可止，則止潤腸，通積麻仁丸果有神

功行滯推堅六磨湯豈無奇效痔瘡熱痛腦射研入蝸牛胆汁磨敷并
水痢疾腹疼薑茶煎治出坡仙梅蜜飲方書登父腸內瘕生返魂湯而
加減隨宜十宣散去增適可驗寒熱而用溫涼定虛實而施補瀉

本經補瀉溫涼藥品

補 栗壳 牡蛎 木香 肉豆蔻 棕櫚子 訶梨勒

五倍子 蓮子 藜子 龍骨

瀉 枳壳 核桃仁 麻子仁 芒硝 石斛 大黃

隨續子 檳榔 榷實 旋覆花 葱白 牽牛

巴豆 石蜜

溫 人參 乾薑 半夏 木香 肉桂 吳茱萸 桃花石

涼 槐花 茅根 條芩 黃連 天花粉 玄參 沙糖

東垣報使引本經藥

葛根 白芷 升麻 行上 石膏 行下

腎乃足少陰之經少血多氣癸水之臟作強之官伎巧出焉其旺於冬

藏之本也其味鹹而其色黑其聲呻而其志恐內藏精而藏志外榮

而榮鬚其候在腰其液為唾開竅於耳都脈在尺是腎也對命門一

為二左名腎男子以藏精右命門女子以繫胞精神之舍原氣之根受

病同歸於膀胱診候兩分於水火實則脈實小腹脹滿而腰背急強便

黃舌燥者瀉腎湯可以廣推虛則脈虛氣寒陰痿而言音混濁脛弱脈

代者菴蓉散宜加討論腰脇痛而腎氣弱散號異香異香散其方甚効

石蓮肉去皮 莪術 益知二炒 三稜炮 甘草各二錢 青皮陳皮

各五分 厚朴姜汁炒 作一服塩一撮薑朮煎空心温服之陽經鬱滯

背腎疼湯名通氣腰痛宜八角茴香精洩末須韭子氣滯腰疼堪順氣

血凝臂痛可舒經五味能交心腎須茯神遠志川歸山藥菴蓉枸杞龍

骨安養精神與益智茴香故絳鹿茸牛膝黃芪地黃補腎益陰加當歸

而補髓附子温寒去濕加人參而壯陽虎骨治骨虛酸痛猪腎濟腎弱

腰虧乾坤立而易道行坎離交而人身泰諸臟有補有瀉惟此腎臟有補而無瀉之理其深想哉

本經補瀉溫涼藥品

知母

蓮子

芡實

覆盆子

石鍾乳

龍骨

補

虎骨

牡礪

小草

葉鰈蛸

敗龜板

山藥

五味子

瑣陽

牛膝

當歸

玄參

石楠

枸杞子

山茱萸

合歡

楮實子

五加皮

杜仲

瀉

琥珀

苦茗

猪苓

澤瀉

白茯苓

溫

兔絲子

破故紙

乾薑

附子

葫蘆巴

補骨脂

栢實

烏藥

肉桂

南藤

沉香

涼

黃栢

知母

竹瀝

玄參

牡丹皮

地骨皮

東垣報使引本經藥

獨活

肉桂

膀胱乃足太陽之經多血少氣名王海而津液藏號都官而氣化出焉

九兩二銖而廣九寸量九升九合候在耳中脉居左尺是膀胱也

脉實病轉胞不得小便若煩滿難於俯仰藥用寒涼利之石膏枝子

同煎虛則脉虛腸痛引腰背難利屈伸脚中筋緊急重聽耳鳴補磁石

五味黃芪配苓朮石苘桂仲大腑熱蒸腸內並木通生地黃芩小便不

利莖中癘葶藶茯苓通草施腎大如卜青皮荔枝小茴香胞轉如寒葵

滑相兼寒水石冷熱熨可利便難先用冷熨小腹痛數次後用熱物熨

幾次其二便即通此良法也屈伸導能和腰痛風熱相乘囊腫服三白而立消三白

牛白木桑白皮是也再加木通陳皮尤妙再蟲蟻吹撤陰腫蟬蜋散而即消治病熱方須達

要旨苦寒平升甘辛平降高者宜抑下者宜舉巧宗公翰聰宗師曠

本經補瀉溫涼藥品

- 補 橘核 龍骨 菖蒲 續斷 黃芩 益智仁

- 瀉 芒硝 滑石 車前子 澤瀉 瞿麥 萱草根

- 溫 茴香 藜蘆茄 烏藥

生地黄 甘草梢 地膚子 黃柏 防風 防已

東垣報使引經藥
藁本 行上 羌活 行上 黃柏 行下

命門乃手厥陰之經命門即心包絡是也 多血少氣傳手少陽三焦經也故曰手厥

陰心包絡經流注從復走手長二尺五寸是命門也對腎一而為二左

曰腎男子以藏精右曰命門女子以繫胞原氣之根精神之舍天錫云

人生之初受胎之始於任之兆惟命先具有命門然後生心心生血有

心然後生肺肺生皮毛有肺然後生腎腎生骨髓有腎與命門合二氣

備是以腎有兩岐也受病同歸於膀胱脰候兩分於水火實則脈實是

經也配成臟名稱曰心包屬命門主相火司暑之謂也

本經補瀉溫涼藥品

補 沉香 黃芪 肉蓯蓉 葫蘆巴 肉桂

瀉 烏藥 枳壳

溫 膈肉脂 附子 川芎 補骨脂 肉桂 沉香

涼

黃連

梔子

黃柏

柴胡

東垣報使引本經藥

柴胡

行上

川芎

行上

青皮

行下

一焦乃手少陽之經少血多氣丙火之腑決瀆之官水道出焉其無形而有用行氣血而不停竅寄於耳脉在右尺是三焦也虛實驗其寒熱而瀉分其臟腑實則上結於心虛則引氣於肺上實熱而瀉心陽涼膈散鷄蘇丸湯名澤瀉止虛寒而補肺氣厚朴湯理中湯九號黃連瀉脾土去中焦之熱補胃氣濟中焦之寒下熱瀉肝下寒補腎引數端為正驗在明者之擴克

本經補瀉溫涼藥品

補

黃芪

甘草

益智仁

瀉

澤瀉

溫

川附子

涼

石膏

地骨皮

東垣報使引本經藥 柴胡 行上 川芎 行上 青皮 行下

右十二經絡臟腑病情藥性切身要錄完

五氣切要藥性風熱濕燥寒

風門

風屬陽善行數變自外而入以鬱正氣故治風多行氣開表藥風入久變熱熱能生痰宜用祛風化痰藥熱極生風風能燥液宜用清熱潤燥藥

行氣開表藥

羌活 苦甘辛 平微毒

獨活 同上

防風 甘辛 溫

細辛 大辛 溫

升麻 甘苦平 微寒

麻黃 甘苦 溫

白芷 辛 溫

藁本 辛苦 溫

天麻 辛甘 平

秦艽 辛苦平 微溫

威靈德 苦 溫

菴耳實 辛甘 溫

蔓荊子 苦辛 微溫

牡荊實 苦 溫

惡實 辛平

紫蘊 辛 溫

薄荷 辛苦 涼溫

荊芥 辛苦 溫

祛風化痰藥

天南星 苦辛 平

何首烏 甘苦 微溫

白附子 辛 溫

皂莢 辛 溫

藜蘆 辛 溫

瓜蒂 苦寒

蟬蛻 辛平

全蠍 甘辛

白礬 辛平

白花 辛平

牛膝 苦平

虎骨 苦微温

清熱潤燥藥

菊花 甘苦平寒

密蒙花 甘平

蒺藜 苦辛微寒

青箱子 苦微寒

木賊 苦微寒

白薇 苦微寒

三棱 苦平

巴戟天 辛甘微寒

天竺黃 甘寒

五加皮 辛苦微寒

主治各經風藥

脾升

肺 防干川

心 細辛

大腸 白芷

小腸 藜蘆

胃 升麻

三焦 黃芩

膀胱 羌活

以上諸藥發散風寒并散鬱火兼治表濕之劑也

熱門

治熱以寒上藥屬陰故治熱多陰藥鬱火宜發散宜用風門藥火鬱則之并陽散火也夫熱燥皆屬陽宜以治燥門藥通看

治上焦熱藥

黃芩 苦平寒

梔子 苦寒

沙參 苦甘微寒

玄參 苦鹹寒

前胡 苦微寒

青黛 微寒

山豆根 苦寒

百部根 苦寒

栝白皮 辛平

丹参 苦微寒

白前 甘辛微寒

桔梗 苦微寒

治中焦熱藥

黃連 苦寒

胡黃連 苦平

連翹 苦平微寒

葛根 甘平

香薷 辛微寒

石斛 甘平

滑石 甘平

石膏 辛甘微寒

玄明粉 辛甘寒

茵陳草 辛平苦寒

大黃 大苦寒

芒硝 辛鹹寒

犀角 甘辛鹹寒

羚羊角 鹹苦寒

治下焦熱藥

黃柏 苦寒微寒

柴胡 辛平微寒

草龍膽 苦寒大寒

防己 辛苦平寒

車前子 甘寒

地膚子 苦寒

石葶 苦平微寒

通草 辛平

地榆 苦甘酸微寒

苦參 苦寒

秦皮 苦寒

文蛤 鹹平

龜甲 鹹甘平

鱉甲 鹹平

主治各經熱藥

心 氣麥門冬血黃連

脾 氣白芍血主大黃

肺 氣石膏血旋子

腎 氣玄參血黃連

胃 氣葛根血大黃

三焦 氣連翹血地黃

膀胱 氣滑石血黃柏

大腸 氣連翹血大黃

小腸 氣赤茯苓 包絡 血杜丹皮

主治骨肉分癆瘵發熱藥

肝 氣當歸 心 氣生地黃 脾 氣白芍 肺 氣石膏 腎 氣知母 胃 氣柴胡

血柴胡 大腸 氣芒硝 小腸 氣赤茯苓 三焦 氣石膏 膀胱 氣滑石

以上諸藥治三焦上中下及內熱兼濕熱之劑也

濕門

濕因氣虛不能運化水穀而生濕宜用補氣除濕藥又宜調中消導藥行濕利大小便藥外濕宜汗散宜用風門藥風能勝濕故也蓋濕寒皆屬陰宜以治寒門通者

補氣除濕藥

黃芪 甘溫 人參 甘微溫 甘草 甘平生 白朮 苦甘辛溫 茯苓 甘淡平

山藥 甘溫平

調中消導藥

蒼朮

苦甘辛 溫性烈

半夏

辛微苦平 生寒熱溫

陳皮

辛苦 溫

青皮

苦辛 寒

枳殼

苦酸辛 微寒

枳實

苦酸 寒

射干

微寒

旋覆花

鹹甘 溫

大伏皮

辛微 溫

白扁豆

甘微 溫

大麥芽

甘溫

神麩

甘溫

山查

溫

三稜

苦辛 平

莪朮

苦辛 溫

阿魏

辛平 熱

使君子

甘溫

薏苡仁

甘微 寒

栗壳

甘平 澁烈

行濕利大小便藥

朱苓

甘苦 淡平

澤瀉

甘鹹 寒

瞿麥

苦辛 寒

紫草

苦寒

木瓜實

酸 寒

赤小豆

辛甘酸 溫平

百合

甘平

葶藶

辛苦 大寒

牽牛

苦寒

大戟

苦甘 寒

芫花

苦溫

甘遂

苦甘 大寒

海藻

苦鹹 寒

昆布

鹹寒

主治各經濕藥

肝用白木

心

其與連 用赤茯苓

脾白木

肺桑皮

腎澤瀉

胃白木

小腸

三焦

陳皮

膀胱

茵陳

大腸

秦

心包絡

茗

以上諸藥治上中下三焦內溫兼補氣調氣之劑也

燥門

燥因血虛而然。蓋血虛生熱，熱生燥，是也。宜用解熱生津藥，又用滋血藥。天熱燥皆屬陽，宜以治熱門通者。

解熱生津藥

天門冬

苦甘平 大寒

麥門冬

甘微苦 平散寒

知母

苦辛 寒

貝母

辛苦平 微寒

栝蒌根

枇杷葉

苦平

五味子

酸温

地骨皮

苦寒

蘭葉

辛甘 平寒

梅實

馬兜鈴

苦寒

款冬花

辛温

紫苑

辛苦 温

阿膠

甘辛 微温

訶梨勒

淡竹瀝

甘平 寒

遠志

苦温

菖蒲

辛苦 温

酸棗仁

酸平

牡丹皮

滋血潤燥藥

生地黃

甘苦 大寒

熟地黃

甘苦寒 微温

當歸

甘辛 温

川芎

辛温

芍藥

麻子仁

甘平

杏仁

甘苦 温

莢仁

苦甘 平

紅藍花

辛甘 苦温

蜀葵花

郁李仁

酸苦 平

槐實

苦酸 寒

栢實

甘辛 平

蒲黃

甘平

牛膝

枸杞

温甘

肉蓯蓉

甘鹹 微温

瑣陽

甘鹹 温

鹿茸

苦辛 温

主治各經燥藥

肝溫 心冬 脾麻 肺杏 腎和子 大腸石 小腸香 三焦藥
 膀胱香 心包絡桃仁

以上諸藥治上中下三焦內熱兼補血和血之劑也

寒門

寒以熱治熱藥屬陽故治寒多陽藥外寒宜汗散宜用風門藥寒從汗解也寒濕皆屬陰宜以治濕門通看

治上焦寒藥

大附子辛甘溫 大熱 烏頭辛甘溫

生薑辛甘 微溫

桂枝熱性

治中焦寒藥

乾薑辛溫 大熱 肉桂甘辛 大熱

高良薑辛苦 大溫

白豆蔻辛大溫

草豆蔻辛大溫

肉豆蔻辛苦 溫 砂仁辛溫

益智仁辛溫

藿香甘辛 微溫

莎草根苦辛 微寒

丁香辛溫 巴豆

蜀椒辛大溫

胡椒辛大溫

艾葉苦辛 微寒

韭子溫血 熱性

白苓

菜菔子溫

木香辛苦 溫

檳榔苦辛 微寒

紫荊檀鹹辛

沉香辛溫

常山苦辛

玄胡索辛溫

鬱金辛溫

薑黃辛苦溫

五靈脂熱非

治下焦寒藥

兔絲子辛甘平溫

山茱萸酸溫

懷香子辛平即小茴香

吳茱萸辛苦大熱

補骨脂辛苦大溫即破故紙也

杜仲辛甘平溫

草薢苦甘平

烏藥辛溫

主治各經寒藥

肝氣歸

心氣歸

脾氣歸

腎氣歸

膽氣歸

大腸氣歸

小腸氣歸

三焦氣歸

膀胱氣歸

心包絡氣歸

以上諸藥治上中下三焦內寒兼治濕寒之劑也

右五氣藥性乃是風寒濕燥熱之五氣也醫家切用之劑除治風門通用

外治熱門宜與治燥門兼用治濕門宜與治寒門兼用熱燥屬陽寒濕

屬陰故也蓋瘦人多血虛而熱燥肥人多氣虛而寒濕宜分類推治按

藥有寒熱溫涼平和之性辛甘淡苦酸鹹之味升降浮沉之理宜通補

瀉之機經曰補瀉在味隨時換氣故辛以散之謂散其表裏拂鬱也甘以緩之謂緩其大寒大熱也淡以滲之謂滲其內濕利小便也苦以瀉之謂泄其上升之火也酸以收之謂斂其耗散之氣也鹹以軟之謂軟其燥硬之性也春氣溫而宜涼藥夏氣熱而宜寒藥秋氣涼而宜溫藥冬氣寒而宜熱藥否則病與時違不拘此例病在上而宜升藥病在下而宜降藥病在外而宜浮藥病在內而宜沉藥故曰浮沉升降則順之謂順其藥性浮沉升降之義也寒熱溫涼則逆之謂逆治其時寒熱溫涼之病也醫者宜細思之

天干臟腑所屬定位

甲膽乙肝丙小腸下心戊胃己脾鄉庚屬大腸辛屬肺壬屬膀胱癸腎歲
三焦更向壬中寄包絡同居癸腎堂

地支臟腑所屬流注

每日寅時肺氣生卯時流入大腸辰胃巳脾午心火未時又到小腸經申

屬膀胱西屬腎戌居包絡亥三焦子膽丑肝又屬肺十二經脉任

藥方名條治病捷應賦

麻黃湯發臘月寒傷榮○桂枝湯散冬天風傷衛○九味羌活湯發三

之表

春夏秋也

○六神通解散理晚發之邪也

三月

○香蘇散十神湯參蘇飲

發表調中平和之藥

外感內傷俱消

○葛根湯解肌湯小柴胡和解半表半裏

大柴胡二承氣攻熱邪傳裏○理中湯四逆湯散寒中陰經○補中益

氣湯治饑飽勞後○升陽順氣湯療怒氣憂思○調中益氣湯調脾胃

大要參朮調中湯治脾肺兩傷○升陽散火湯升散熱邪

凡言熱者指外熱也

升陽益胃湯分消濕氣○和解散金沸草散治時行寒疫○神朮散定

風餅子療暴中風邪○人參敗毒散升麻葛根湯解瘟疫而兼身熱○

宣明雙解散主濕熱而可遵○藿香止氣散治暑濕之良劑○香薷飲

清暑益氣湯人參白虎湯益元散縮脾飲能祛虛實暑氣○平胃散羌

活勝濕湯升陽除濕湯五苓散朮附散善解內外濕邪○生料五積散

解濕溫寒

治表裏之寒濕

○防風通聖散清熱潤燥

治表裏之熱燥

○搜風順氣丸神

芩丸潤大腸之燥症○黃連解毒丸三黃丸散三焦之火邪凡言火者指內火也

當歸六黃湯瀉火滋陰○防風當歸飲補虛退熱○舟車丸三花神佑

丸能利濕熱

濕則生熱也

○秦艽湯羌活愈風湯善解燥風

熱則生風也

○胃苓

湯主泄瀉傷暑腹痛○柴苓湯主傷寒泄瀉身熱○桂苓白朮散療霍

亂而口發渴○加減理中湯治吐瀉而咽不乾○蒼朮湯胃風湯治濕

傷氣分白痢便膿○地黃湯芍藥湯主熱傷血海赤痢下血○萬安散

七寶飲治瘧無汗而寒多熱少○清脾飲六和湯療瘧有汗而寒少熱

多○葦蓋散五拗湯主喘嗽因寒外襲

以上發表和中治風寒暑濕燥火之症

○洗肺散

貝母散治咳嗽由火内生○白虎湯瀉胃火有餘○八珍湯補脾陰不

足○白朮和胃丸能養脾胃竟中進食善滋形氣○治中湯枳朮丸和

中丸大安丸保和丸健脾進食○香散丸香稜丸妙功丸消菟丸破積

除癥○木香枳殼丸療停食發黃神妙○列僊散治酒積成疸可醫○

木香枳朮丸化氣湯調氣進食○七轉靈應丹萬應丸取積追虫○丁香
香脾積丸妙應丸治心腹諸痛○大黃備急丸三陽散主暴卒百病○
三稜消積丸治新傷生冷硬物○木香檳榔丸瘵久患氣食痞膨巴豆
斬關去新舊之冷積可仗大黃破結推陳久之熱癥可攻氣病宜調氣
用木香檳榔香附枳壳血病宜調血以川芎當歸赤仁紅花○越鞠丸木
香流氣飲開鬱氣之無形○蟠葱散撞氣阿魏丸破積氣之有質○神
砂一粒丹療氣鬱而為心痛○神聖代針散治血積而作疝氣○獨活
寄生湯開氣血留結在腰○當歸拈痛湯散濕熱沉凝在足○控涎丹
小胃丹治濕熱注痰四肢作痛○金棗丹虎骨散療血氣怫鬱遍體為
病○二陳湯以豁痰○三補丸而瀉火○六君湯豁痰補氣調胃○六
物湯降火補血滋陰四物加黃柏知母○當歸龍薈丸善降陰火兼治脇痛○
人參養胃湯能開結痰并治久瘡○太平丸消化丸治痰嗽有功○左
金丸香連丸除濕痰必効○洗心散洗肝散瀉心肝之火○滾痰丸化

痰丸除熱燥之痰○四七湯黑鉛丹開痰結心胸○清空膏涼膈散除
火升頭膈○石膏羌活散祛風明目○川芎石膏湯瀉火定眩○川芎
茶調散治風熱上攻頭目○葛花解醒湯療濕痰中滿腸胃○龍腦鷄
蘇丸除心肺虛煩○人參瀉肺湯散胸膈實火○犀角地黃湯桃仁承
氣湯茯苓補心湯阿膠丸小建中湯治火載血而上吐○當歸承氣湯
瑞竹蒲黃散當歸和血散聚金丸伏龍肝散療陽逼陰而下行○紅花
當歸散千金堯仁煎六合湯理經脈不通涼血地黃湯解毒四物湯艾
膠湯治崩漏不止○金匱當歸散清熱安胎而易產○丹溪天麻丸活
血能產而無驚○女金丹烏雞丸調氣血令老婦妊娠○天乙丸連翹
飲瀉火濕主小兒百病○醒脾散王餅子肥兒丸香稜丸治嬰孩脾氣
不足而致疾○瀉青丸奪命散抱龍丸檳榔丸治童稚肝邪有餘而生
災○金薄鎮心丸安神定驚○五福化毒丹犀角消毒飲清熱解毒異
攻散補豆疹之虛寒通聖散瀉痧疹之實熱○內疎黃連湯千金漏蘆

湯主陽瘡腫掀向外○內托復煎散淵默奪命丹治陰疽毒蘊於中○
立馬回疔丹萬壑奪命丹療疔瘡而有殊功○神効太乙膏散腫潰
湯治瘰癧而收大功○紫金丹治藥石衆毒兼瘡疽疔腫如聖治風
諸邪及癱瘓痛風○香壳丸芎歸丸療痔而清熱涼血○槐角丸烏主
丸治漏而散濕補虛○清心蓮子飲八正散治小便淋濁有虛實之分
導滯通幽湯三和散療大腸燥結有血氣之殊海藏五飲湯散五等之
飲○開結枳實丸消諸般之痰疾導痰三生丸豁痰以踈風○干縉湯
四磨湯下氣定喘○蘇子降氣湯消痰利氣○三因七氣湯解鬱開心
○瓜蒂散稀涎散四靈散吐涎而祛風○蘇青丹星香丹滌痰湯豁痰
而順氣○蘇合丸烏藥順氣散勻氣散善調諸氣○小省風湯青州白
丸子搜風丸能散風痰○牛黃清心丸治諸痰熱而類風○小續命湯
療真中風而審脉○三化湯主風入腑推陳潤燥○至寶丹治邪入臟
散邪消風○龍星丹踈風清熱豁痰○愈風丹潤燥祛風瀉火○換骨

丹續命丹治風痰克塞經絡而為癱瘓○清燥湯健步丸療濕熱薰蒸
 筋骨而成痿痺南星治風痰蒼朮治濕痰天花粉治熱痰海石治燥痰
 半夏治寒痰柴胡瀉肝火黃連瀉心火白芍瀉脾火黃芩瀉肺火黃柏
 瀉腎火天門麥門知母石膏竹茹童便玄明粉上清丸能散虛火荆瀝
 竹瀝貝母瓜蒌韭汁薑汁霞天膏二瀝湯善開虛痰氣虛加以四君子
 血虛加以四物湯四君補氣及益脾四物補血及滋腎○八物湯十全
 大補湯補氣血兩虛○固本丸古菴心腎丸滋心腎不足○錢氏白朮
 散參朮白朮散竹葉石膏湯補脾胃諸虛○丹溪補陰丸金匱腎氣丸
 三一腎氣丸滋真陰久損○八味丸崔氏丸補陰興陽○天王補心丹
 寧神定志○硃砂安神丸涼血清心○八味定志丸補虛開竅○茯兔
 丸草薺分清飲除濁止淋○固真丸固真太保丸秘精滑脫○保和丸
 知母茯苓湯黃連鱉甲湯止嗽寧肺○保真湯十味人參散養榮湯除
 熱補虛○一秤金七僊丹烏髮駐顏○瓊玉膏固本酒延年益壽以方

加減存乎人，要審病原而合理用藥。補瀉在於味，須隨時而換氣奇偏。

復七方須知，初中末三治要察寒因熱用熱，因寒用通，因通用塞，因塞

用初發攻也中調和也未收補也通用者通積滯而下焦自然開蓋之矣高者抑之

者舉之外者發之內者奪之寒則堅凝熱則開行風能勝濕濕能潤燥

辛能散結甘能緩中淡能利竅苦以泄逆鹹以軟堅升降浮沉則順之

寒熱溫涼宜逆也病有淺深治有難易初感傷寒乍傷飲食一藥可愈

舊存痼癖久患虛勞萬方難療履霜之疾急治無妄之藥勿試醫稱多

術或用灸而用鍼鍼有劫病之功灸獲回生之驗臟寒虛脫者治以多

炳脈病掌痺者療以鍼刺血實畜結腫熱者宜從砭法氣滯痿厥寒熱

者當倣導引經絡不通病生於不仁者須覓醪醴血氣凝泣病生於筋

脈者可行熨藥病慄悍者按而收之按是摩法也乾霍亂者刮而行之醫於

十三科宜精一派病情千萬變仔細推詳姑擬碎言以陳管見後之學

者庶達乎迷津

瘡門捷徑用藥法

瘡屬熱毒故治瘡多用清熱解毒藥亦因氣逆血滯又宜行氣活血藥
其瘡服藥不過解毒清熱行氣活血生血補氣之藥又何他論哉此惟
贅其傳瘡之藥而已或有所載而未盡詳者始亦附此

白芨 苦辛平 微寒

白蔞 苦甘平 微寒

五倍 辛酸 平

商陸 辛甘 酸平

充蔚子 辛甘 微寒

蒲公英 散平

狗脊 苦甘平 微寒

蛇床子 苦辛甘 平熱

蕪荑 辛 平

雷丸 苦鹹 寒

松脂 苦甘 溫

楓香脂 辛苦 平

乳香 辛 溫

沒藥 苦辛 平

麒麟竭 苦鹹 平

龍腦香 辛苦 溫

射香 辛 溫

盧薈 苦 寒

樟腦 溫

丹砂 甘寒

雄黃 苦甘辛 平寒

水銀 辛寒 海重

礞砂 鹹苦 溫

礞砂 苦辛 溫

無名異 甘平

凝水石 辛甘 平

赤石脂 甘平

石硫黃 酸甘 溫

礬石 酸甘 寒

砒霜 苦酸

青礬石 寒

伏龍肝 辛 溫

龍骨 甘微 寒

牡蠣 酸平 寒

斑蝥 辛寒

蟾酥 熱

鱗鯉甲 微寒

烏賊魚骨 微寒 溫

水蛭 苦微 寒

水蛭 微寒

以上付貼諸瘡腫毒及理氣血之劑也

六經用藥確法

太陽屬膀胱非發汗不能愈必用桂枝麻黃以助陽却邪

陽明屬胃非通泄不能痊必用大黃芒硝以疏利陽熱

少陽屬膽無出入之道必用柴胡半夏能利能汗消解血熱葛今佐之也

太陰脾土性惡寒濕非乾薑白朮不能溫燥

少陰腎水性惡寒燥非附子不能以溫

厥陰肝木藏血榮筋非芍藥甘草不能滋養此六經之用藥綱領之道也

夫三陽汗下和解人皆知之若太陰濕燥不行則當溫利如桂枝加大

黃之類是太陰自陽明而出也少陰須用附子亦有麻黃細辛之証是

少陰自太陽而出也厥陰其間有用桂枝者是厥陰自少陽而出也其

或太陽少陽二經鬱閉則三陰皆自陽明出焉蓋三陰皆有下証如太

陰腹滿時痛為有積少陰咽乾口燥為腎汁乾厥陰煩滿耳聾舌卷囊

縮為毒氣入臆皆當下之諳乎此則傷寒用藥之法隨變隨應生化無

窮矣雖云傷寒七日傳變六經此約法也或首尾只在一經或間傳一二經而止又不可拘日數而用藥切據脉息再驗外証萬無一失

用藥根身稍三法

凡根之在上者中半以上氣脉上行以生苗者為根中半以下氣脉下行以入土者為稍當知病在上焦者用根病在中焦者用身病在下焦者用稍經云根升而稍降

五味用法

苦直行而泄 辛橫行而散 酸收而約斂 鹹止而軟堅 甘緩行而發

五入

辛入肺 苦入心 甘入脾 酸入肝 鹹入腎

五走

辛走氣氣病無多食辛 苦走骨骨病無多食苦 酸走筋筋病無多食酸
鹹走血血病無多食鹹 甘走肉肉病無多食甘

五多五傷

多食鹹則脉凝泣而變色

多食辛則筋急而爪枯

多食苦則皮皴

多食酸則肉眈眈而唇揭

多食甘則骨痛而髮落

此五味多食而見傷也不可不戒

煮煉鹿霜膠法

新鹿角三對每對各長二十截之取長流水浸三日刷淨垢土每角一斤用楮實子一兩桑皮黃牒各二兩入鐵鍋煮三晝夜者魚眼湯慢火煮不斷火候常添熱湯不可添冷水取出角來見脆為度削去黑皮薄切曬乾碾為末名曰鹿霜也餘下鍋中水慢火再熬成膠名曰鹿膠也是此霜膠之名各取其用

辨用硝黃巴豆悞人論

人病耗氣失血之餘年老之人多有秘結之患人皆不知此意只用大黃芒硝重與牽牛巴豆隨利隨結殊不知皆因血少津液枯竭腸胃乾燥

之人宜用麻仁杏仁潤滑之劑腸潤滋胃其病自愈若用大黃巴豆之類損其陰血故病愈劇矣所以局方製麻仁丸少用大黃治老人風絞血少腸胃燥結者此也但世俗不考而利用者利之而麻子仁治於不足之証宜施老人者今人且少用焉硝黃巴豆治於有餘之証施宜壯旺者可也今俗不審長幼盛衰而一施於硝黃巴豆以言其功且速其不謬哉寧得不悞人之天命也耶而今而後藥性病情切要審詳毋得輒自孟浪

治十腫水氣病根主藥

先從面腫者曰熱水其根在肺以桑白皮為主
先從四肢腫者曰黃水其根在脾以大戟為主
先從背腫者曰鬼水其根在膽以雄黃為主
先從胸腫者曰食水其根在皮膚以茯苓為主
先從脇腫者曰飲水其根在肚以芫花為主

先從腰腫者曰肝水其根在胃以甘遂爲主

先從腹腫者曰冷水其根在肺以商陸爲主

先從陰腫者曰勞水其根在腎以澤瀉爲主

先從手腫者曰心水其根在腹以巴戟爲主

先從腳腫者曰清水其根在心以葶藶爲主

右十味各爲末各包收貯以待施用爲主引之藥

余考諸丸散各有一義其細末者不循經絡止去胃中及臟腑之積氣味

厚者白湯調服氣味薄者煎之和相服其丸藥去下部之疾丸極大而

光且圓治中焦者丸次之治上焦者極小麩糊取其遲化直至下焦或

酒取其散或醋取其收犯半夏南星欲去濕者以生薑汁稀糊爲丸取

其易化也水浸炊餅滴水皆取其易化煉蜜丸者取其遲化而氣循經絡

也蠟丸者取其難化而旋旋取其效業醫之士宜留心焉